



**Kurtze Verantwortung und notwendige Erenrettung des Edlen,
Hoch und Weitberümpften Herren Leonhart Thurneissers zum
Thurn, Churfürstlichs Brandenburgischs bestalten Leibs
Medici unnd Burgers zu Basel auff die unbesunnenen,
ubelgegründten, mit Neid und falscher Anklag, wie eine
Sackpfeiff, ..., wie ein Igel mit Stachlen uberzogen, vorlognen
ehrendiebischen Theses, disputationes und Schmehschrifften
Frantz Joels des Leugcentiaten zu Gryphsswaldt in Pommern**

<https://hdl.handle.net/1874/9428>

8

Kurtze Verantwortung/

In notwendige Ehren-
rettung des Edlen/ Hoch vnd Weiche-
rühmpten Herren Leonhart Thurneissers
zum Thurn/ Churfürstlichen Brandenburg-
gischs bestalten Leibs Medici vnd
Burgers zu Basel/

Auff

Sie vnbesüenen/ vbelgegründten/ mit
Neid vnd falscher Anklag/ wie eine Sackpfeiff
mit blast außgefülten/ aber mit Vnchristlichen gleichnerischen
tücken vnd giftgellischer Bitterkeit/ wie ein Igel mit Stacheln
vberzogē/ vorlognen/ Ehrendiebischen Theses, disputationes
vnd Schmehschriften Frantz Ioels des Leugcentiaten
zu Groyßwalde in Pommern.

Gedruckt ANNO

M. D. LXXX.



Argument des gantzen Handels.

NECESSITAS

Mit Warheit durch Dapfferkeit in der bestendigen
Gerechtigkeit.

○ MENSCH ERRET DEIN EHRE

Corporalisch/ Natürlich/
FORMALIS.

VERMERE.

ATVM
guth machen in sein freyen
guth die augen
DICH

guth machen in sein freyen
guth die augen
DICH

IN DEM
GVTEN
EINALS

Veritas & Honaur
made & air

spiritualis / elementis /
MATERIALIS

DER
DICH
DICH

LEHRE

BERLEISSE
FORTUNA
In die geit mit Demunff durch
DICH

Vorrede an die/ dieses Handels Theil-
hafftigen vnnnd Schuldigen.



E ist mir meine schöne Lügen-
meuler nicht vnbeuust/ wie Ehrwirdig vnnnd
hoch / nicht allein bey den Jüden/ sondern
auch bey den Heyden/ Als den Atheniensis-
bus/ Carthaginensibus/ Römern/ auch jetzt
bey vnns Christen/ von hoch verstendigen/
Gottliebenden Personen/ das Ehrwürdige Alter geachtet/ ge-
ehret / vnd ist mir was diesem Alter für Reuerentz vnd Zucht
von allen denen/ die mit Ehren Alt zu werden begehren/ sich zu
erbieten/ leisten vnd beweisen gebüret/ gnugsam bekandt.

So habe ich (so gering als ich bin) durch die tage mei-
nes Lebens/ mit sonderlichem fleiß war genommen/ das nicht
allein gemeine Personen/ Sondern auch fast alle Keyser/ Kö-
nige/ Chur vnnnd Fürsten/ Philosophen/ vnnnd alle die jenige so
Ehr/ Kunst vnd Tugend lieben/ des werden Alters verschonet/
ihme/ ob es sich gleich vnwirsch gegen der Jugendt erzeigt/ alle
Willfarige Zucht vnd Ehrhat erbotten/ ja sie haben iren zorn
vnd Grollen/ dem Regiment der Vernunfft vnierwürfflich ge-
macht/ vnd seind dem lieben Alter mit tugendtsamer Sanfft-
mut/ vnd linder Willigkeit im Antworten begegnet/ dasselbige
beschirmbt/ vertretten vnd verädigt/ vnd ehe ihres Wolstan-
des vermisset/ denn daß sie des verlebten Alters / Schaden/
Schmach oder Nachtheil geduldet haben solten/ Nicht allein
der vrsachen halber/ das Gott das Alter vor augen zuhalten
vnd würdiglich zu ehren gebotten/ sondern auch derenthelben/
daß fürnemblich bey dem Alter/ Weißheit vnd Erfahrung/
Vorbetrachtung vnnnd gutte vtrunfft/ auch wissenheit ver-
A ij gange

gangner/vnd mutmassungen zukünfftiger sachen zuerlehren/
gegenwertigen Hendlen aber vorzustehen vnd sich inn allerley
fürfallendem antigen (deshalben / das sie auß langewohnter
vbung vieler hendel wissendt) Rahts bey ihnen zu erholen ge-
wesen ist.

Vnd ob dieses alles nicht were/ So seindt doch die zeiten
vnd viele der tag vnd Jaren (deren nicht allein der Mensch/
sundern alle lebende Creaturen am aller begierlichsten seind)
welche bey dem Alter zu sehen/höchlich vor augen zuhalten/
vnd keins weges zu entehren.

Derhalben ich deinen / nicht allein von wegen deiner
grawen Haaren (ja wann du dem Alter / wie Isocrates vnd
Sophocles der Welt zu nutz angelegt/ do der ein in seinem 94.
Jar sein herzlich Wunderbuch/der Ander aber/in seinem hun-
dertisten jar sein künstlich Volumen Oedipoden geschriben/
angelegt/ vnd nicht mit solchen Schandlugen beschmeißt/ vnd
dich mit abstellung meiner Ehren besudelt hettest) Sondern
auch derhalben/das du die vollkommeste zahl der 9. mal 9. Ja-
ren (das ist 81.) nahendt erreicht/vnd deiner Facultet/vnd des
Grads/dorinn du zwar vnschuldiger weiß weil du nicht gnug-
sam darzu gelehrt/doch von mir (wo du mich hochmuts erlas-
sen) vnueracht/ vnd vngestraft geblieben werest/ Sonderlich/
weil du dem Doctorat/das ich billich (wo es auff ehrlichen
Personen rastet) in ehren halt/ am nechsten bist.

Weil du aber deinen selbs/ auch deiner dignitet vnd
Wirdigkeit (die du meinet haben/wo du dich nicht selbst/ wie
der Specht/ mit deiner verlogten Zungen/ bekandt gemacht
hettest) nicht geschonet/ derhalben du billicher Franz h^h. das
ist/ Franz ohn Goet genennt wirst/ dann das man dich Franz
h^h heissen solle (vrsach/das wer seinen Nechsten aus falschem
Neid

Neid verleugt/oder ohn vrsach entehret/ schmecht vñ schendet/
kein Christlich hertz vnd derhalb nit in Gott/auch Gott nit in
jme/ sondern ohne Gott/vnd wie Daniel sagt/ dem Schalk/
der vnder seinen grauwen Haaren verborgen/ mit nichten zu
uertrauen ist) derhalb du bey dem ersten Namen/ohn Gott
billich vñ von rechts wegen bleibst/weil du mich/der ich dir vn-
bekandt/vnd dich die zeit meines Lebens nie beleidigt/in deinen
vnchristlichen neidischen Thelis vñ disputationibus menig-
lichem in den rachen gelisfert (do du aus dem exempel vnd rahe
schlag des Samnitischen Herenei) das dir solche Schmach-
that (weil Fleisch vnd Blut zur Raach geneigt vnd jedem sein
Ehr zu retten gebürt) nicht vnbezalt bleibt würde/wol gemut-
maset/vnnd derhalb weder mich/noch keinen andern/ also
Ehrendiebischer Schandtlügnischer weiß/ geschmecht vnnd
entehret haben soltest/ Derhalb habe ich (domit niemandt ge-
deckte/das ich aus der Gedult ein vn Sinnigkeit/ oder aus mei-
ner vnschuld ein argwon oder zweiffel/ vnd aus meiner Ver-
antwortung ein Stunheit machen wolte) mein angeborne
gewonheit/ vnd natürliche Anmut/vnnd Begirdt/ die ich von
jugendt auff gehabe habe/das Alter/ Künstreiche vnd Gelehrte
Leut zu ehren/ noht halben (doch zwar mit grossem vnwillen/
Vnd weil ich weiß/das niemandt/er liebe/ehre vnd lehre/ dann
teglich Gott/das Alter/ vnnd gute Künst/ keine warhafftige
vollkommenheit der Tugendi erreichen mag/sehr vn gern) müs-
sen verlassen/ mich wider mein Natur vnnd Art (weil mir be-
kandt/ das der/ so sich mit Narren schiltet/ bey den Versten-
digen wenig rhumbs/dargegen/ der sich vnuerantwortet leisset/
vnnd sein ehr nicht rettet/ weder bey Gott noch den Menschen
kein preys vñ Lob erlanget) mich vnzüchtiger/aber notwendi-
ger wort/ die dich/ also auch alle deine Miltügner/ sampt
denen die solche Diebflügen vnd Ehreuerlechtige Theses zu
drucken consentirt vnnd bewilliget (welche alle/ weil sie wis-

der ihr Eyd vnd Ehr/ vnd wider ihr gewissen gehandelt/ vnnnd
der Heler inn allen Rechten gleich dem Steler/ auch inn dem
Keyserlichen Landfrieden die Helffer dem Thäter gleich ge-
achtet/ derhalben sie nicht besser seind/ dann du betreffen) gegen
dir/ vnd ihnen gebrauchen müssen/ doch habe ich vorhin deiner
Obigkeit einen an dich lautenden/ vnd solchen Brieff/ der deis-
nen Ehren gemess/ vnd wider einen solchen Gesellen wie du bist
zu schreiben gehört/ vnd ihm sich von rechtwegen zuzuschrei-
ben vnd intituliren gebühret/ ob du dich vielleicht verantwor-
ten/ oder deine Ehrndiebsläge bekennen woltest/ geschrieben/
aber nichts (weil dir deine Schandslügen vnmöglich zube-
weisen/ aber noch vil vnmöglicher zuuerantworten/ vnd das sie
vnwarhafft dir selber bekandt seindt) dann lose Sophismati-
sche sünde/ daß du es nicht aus böser meinung/ sondern aus bes-
fügung gethon/bringen mögen/ Darauff ich dir hie auff's kür-
zeste vnd allein zur notturfft/ auff meiner Reiß/ allzeit Abends/
wann ich von der Tagreiß matt vnnnd hällig gewesen/ oder
Morgens ehe ich zu meine Tagreisen auffgessen/ deine The-
ses vñ disputationes/ die du auff dein Apotekerischen modū/
do du saur/ bitter/ süß vnd herb zumischen/ vnd vntereinander
zu süden gewohnt/ vnd wie die Schumacher ihre Leiste vnter-
einander werffen geordnet hast/ durchgangen/ vnnnd mich eben
also (weil dein neidiges verbitters/ vnnnd verlogens schreiben
keiner Ordnung nicht wert ist) inn solcher weis geantwortet/
vnd will mich/ wie einem Ehrliebenden gebürt/ hiermit gegen
dir verantwortet/ vnd vor allen deinen Mitsügnern mein Ehr
verteidigt vnd gerettet/ will auch darneben/ so du/ oder inn dieser
sach deine Mitgemeinder mehr vnnnd weiter antwort von mir
notwendig/ das ich dir vnnnd ihnen/ den Dreck vollendis vmb-
kehren/ vnd daß er recht stincken soll/ zu rühren mich erbotten/
vnd will fúrter der Thesium vnnnd disputationes acht haben/
Datum Basel den 29. Septembris, Anno salutis 1580.

Heilig/

Heilig/geistlich Gewandt/falsch Hertz
vnd Lehr/

Betrenget die Welt/bringet die Leut vmb
Seel vnd Ehr.

Die Ersten Drey Propositiones/haben auß-
serlich ein feine Geistliche vnd Philosophi-
sche Art/ vnd möchte ein frumb auffrichtig
vnd simpel hertz/das dein gutscherisch Zan-
brecherische/Apoteckerische vnd Juristische
Art/ Kenck vnd Tück nicht kendet/ oder die
nachfolgenden griff nicht verstehet/ muiraffen/ das ein rechter
Eyffer vnnnd sonderliche Kunst darhinder stecket/ Aber die ge-
hürnten giftigen Schlangen/ Cerastos/ so vnter dem Sand
am weg darauff du die Leut Sophismatischer weiß fährst/
verborgen ligen/rühren den Dreck (mit vrlaub vor ehrlichen
Leuten) allzuhart/ vnnnd öffnen den Gestanck/ derhalben diese
Schlangen/mit ihren vergiftten Schwengen/dein angenom-
mene gleichnerische Geistlichkeit/vnd falschen Eyffer die Mens-
schen warnen/der Dreck aber/mit seinem gestanck/ den ersten
geruch zu gar verduncklet. Will derhalben von demselbigen
mit dir/als einem der mehr auß anderer vnd deines gleiche Ge-
sellen/betrachtunge/ ertichtungen vnnnd meinungen/dann auß
deiner eigenen Kunst gern vil wort vnd plauderens (das du sel-
ber nicht verstehst) machst/ als Galenus mit Herophilo deren
morborum Nammens haben/ nicht das ichs nicht Verstands
de/wie du dich duncken lasset/ weil du mir zum Schrecken alle
andere (ich gedencck du meinest deine Mitlägner) fürwürffest
nicht zanken/ was morbus heisse/ dann solches von vilen
ehrlichen vnd hochgelehrtern Medicis weder du bist/ außfür-
lich

lich/ vor dir gnugsamlich tractirt worden ist/ wie man bey Aui-
cenna, Galeno, Auerthoie, Hypocrate vnd andern gnugsam-
lich findet /aber daruon möchte ich/ vnnnd hette lust mit einem
christlichen / warhafftigen vnd frommen Medico zu disputiren
vnd reden. Erstlich wie viel der Spirituum humanum inn
Menschlichen Leibern / deren etliche als Argenterius einen/
Galenus aber zwen/ als nemlich/ Infitus vnd Influens, etliche
andere aber sezen/ auch weßhalb in dreyen leblichen Gliedern/
Als Hirn/ Herz/ Leber/ nur ein Geist/ oder so ihr zwen/ was der
eine dem dritten leblichen gliede für action mittheile/ oder so ihr
drey / wie die inn einem Leib / weil sie vngleich seind / wohnen
mögen/ so ihr aber mehr/ was denn die vbrigen zu beherrschen/
vnnnd zu guberniren haben.

Zum Andern / was für morbi auß der substantz dieser
Geister / weil allein bey den Lebenden ein spirituosa substan-
tia/ bey den abgestorbenen aber gar keine vorhanden/ sondern
nur ein flatus wind vnd Luft/ welcher doch/ wie Hypocrates
in lib de Alimento redet/ der spiritibus Aliment ist/ von der
prima materia den fontibus & causas ægrotationum/ also
von der essentia/ von dem wahren subiectum morbi, oder lo-
cum male affectum / auch von der rechten vollkommenen
Cura der morborum/ vnnnd wie dem Kranken zuhelffen von
diesen vnnnd anderen nohtwendigen sachen/ weil es der punct/
grund vnd Zweck ist/ wil keiner nicht reden/ Nun weil mir noch
keinem der Wahrheit meines nuses halben/ zu widerstreben ge-
bührt / Wundert mich dieses / weil du ein solcher Natur-
kündiger vñ ein lumen Academiae gern werest (aber zwar ein
fumus cacademie bist) das etliche morbi hyperphysici sein
soltent/ die du oder andere sophismatische Medici/ nicht verste-
hen oder rationiren sollen können/ aber ich gedenc es werde
die meinung haben/ wann ihr die Leute lang vmb lohn curirt/
vnd

vnd ihnen die Derm so dün geschaben/ mit euwerem purgiren
daß man Laternen darauß machen köndie/ vnnnd euwer Kunst
nichts helfen will/so muß der Teuffel (vnangesehen daß Pla-
to in Critone das es keiner alles allein wisse/ oder könne/ euch
gnußsamlich zuuersehen geben) ober Gott vnnnd die Natur
herrschen/ vnd müssen die Unhulden/ vnnnd andere/ (ob gleich
Christus sagt/ daß ohne den willen Gottes keinem kein Haar
außfalle) schuldig sein.

Es ist aber aller Betrüger/ Lügner/ Reker/ vnnnd des
Teuffels gewonheit selbst/waß sie etwas/ ihnen ein Rhum oder
Nastien zubekommen/ oder ihre geizwengst zu erfüllen anfangē/
daß sie alle zeit vorher/ also mit heiligkeit vnd vor menniglichen
mit bekandten Verbis vnnnd Reden/sein langsam herzu schlei-
chen/ vnnnd das Specklein auff die fallen rösten/biß sie/ wie der
Scorpion mit einem gewissen vnfehlsamen stich/ der Welt den
Angel vnnnd das Gift eindrucken/ aber man kan dem Aeso-
pischen Esel die Nasen vnnnd Hüeff/ so durch die Löwenhaut
scheinend/ viel zu bald erkennen.

Zu dem ist dieses dem Christelichen Glauben gar unge-
mess/ vnd zeigt ein sehr kalte Hoffnung/ vnnnd vertrauwen inn
Gott an dir/ das etwas vnder die Schwell graben/ oder in den
weg giessen/ vnd sonst anwünschen/ also den Menschen verder-
ben vnd zu nicht machen soll/ ohn Gottes willen/ allein aus ge-
wale des Teuffels/ es were dann sach/ das du liebes Juncker
Frencklein dieses an jemandt (wie ich wol glaub) allbereit ver-
sucht vnd probirt hettest/ vnd ichs von andern warhafftigern
Leuten/ dann du bist/ gehört hette/ so möchte ichs auch glauben/
wann auch dieses also möglich were/ zweiffelt mir nicht/ du vnd
andere deine Mitslügner/ hetten mir lengest gossen/ vnd solt ein
Maß ein Thaler kostet habē/ das ich langst gestorben/ oder sonst
B geschē

geschedigt worden were/ aber mein Glaub ist nicht so lueck an
Christum/ dann ich weiß/ was Bischoff Gregorius de Cap-
padocia allein mit festem Glauben zu Corincho in dem öden
Haus/ vnd andere Gleubigen/ deren ich dir ein ganz Buch voll
wolt fürsreiben/ außgericht hat (derhalben Christus nicht
vmb sonst saget/ nach deinem Glauben geschehe dir.) Nun
wundert mich/ weil kein Mensch Gott gefallen kan/ er sey dann
vorhin im Glauben vnd in der Liebe bewehret/ vnd standthaff-
tig erfunden/ wo du dein hoffnung (weil du so gar Abergleu-
big/ darzu inn der Liebe deines Nechsten so kalt bist) hin ge-
setzt habest/ Weil die Türcken/ Heyden/ vnnnd Juden solchen
wohn von sich geschlagen/ vnnnd Gott alles guts zugemessen/
darzu ihren Nechsten zubetrogen vnnnd verliegen/ so hoch ver-
botten haben.

Nun glaubest du hier dem Teuffel/ alles das du vnd deine
Mittlägner nicht verstehen können / vnd benimmest Gott seine
Allmacht/ So du doch in der Ersten Corinath. 15. heiter/ das
Gott/ ein Gott der Götter sey/ liesest/ Ist er nun ein Gott der
Götter/ wie viel mehr wirt er dann ein Gott vnnnd gewaltiger
Herz der Teuffeln/ vnnnd bösen verruchten Menschen sein/ vnd
wirt seine ihme gleichgeschaffenen Creaturen/ für die er seinen
geliebten Sohn inn die Welt/ vnd zum Todt des Creuskes ge-
geben hat/ vor denen beschützen/ ja wann sie das vertrauwen zu
ihme setzen.

Das aber der Morbus oder der Morborum subiectum
oder materia/ auff welche die morbi fallen / oder inn die höhe
sich ziehen/ die menschliche Natur sey/ vnd menschliche Natur
wie auch der Mensch/ von zweyen stücken/ nemblich von Seel
vnnnd Leib zusammen vereinbart/ vnnnd die morbi einweders
Seelisch/ oder Leibisch/ kan ich noch nicht verstehen/ dann so
die Seelischen Geister auch Kranckheiten haben / würden sie
wie

wie vorzeiten die geglaubt/ auch sterben müssen/ welches nicht
hieber/ sondern an einen andern ort gehört/ Ich frage dich
aber wo du denn den Geist gelassen habest/ oder ob du ein Pe-
ripateticus vnd nach Saduceischer weiß/ weder Teuffel/ En-
gel noch Auferstendnuß glaubest/ Sagstu nein/ so wundere
michs/ wo du den Geist (dem du billich die seelische Kranckheit
von deren du treuest/ soltest zugemessen) gelassen habest/
Oder/ ob du vielleicht meinst/ der Geist folget hernach/ wie
des Bauwen Knecht vom Sohn verstand/ da der Pfaff das
Kindt im Namen des Vatters vnd Heiligen Geistes getaufft/
vnd des Sohns vergessen hat.

Sagstu dann/ vnd bekennest dich für einen Peripateti-
cum/ So wundert mich/ wie du dem Teuffel so viel gewalt/
vnd macht/ vnd den Spiritibus so viel Tugende (weil du keine
zu sein glaubest) zumessen/ Gott aber seine Allmacht berau-
ben könnest/ Es were dann sach/ daß du den Leibhaftigen Le-
bendigen Teuffel/ der dich vnd deine Mitslügen besessen/ vnd
sein habitation vnd diurnalische Wohnung in euch hat/ durch
euch als seine Pausaunen/ Jaghorn/ vnd Drummeten/ eittel
schendlicher/ ehrabschneidiger/ falscher Zeugnissen blaudent/
redet/ vnd wie giftige Vipernattern eittel Corrosiisch Giffte
hauchet.

Weil du nun sagest/ daß dreyerley weisen/ die Morbos
hyperphysicos zu curiren sein/ Nemblich/ eine durch die di-
uinam/ die ander/ durch die superstition/ die dritt/ durch die
Zauberey/ Nun frage ich dich/ wordurch denn andere Morbi
curirt vnd geheilet werden/ Sagest du durch Göttliche
Genade oder die Diuina/ das ist recht vnd wol geantwortet/
so sag mir nun/ Warumb Purgirest du/ Elistirestu/ gibst Poti-
ones/

ones/ Latwergen/ legst Pflaster vber/ zeuchst Cauteriam auff/
sehest funtenellas/ vnd reibest oder sickest die Menschē mit ha-
rigen Seilern am nacken(ich hette schier gesaget in der Arzters-
ben) Item/warumb heissestu Lassen/ köpffen/ stelst diæt vnnnd
ordnungen/ verbeutest den Menschen die drey Element/ als
einem Luffe/ dem anderen Wasser/ dem dritten Feuer/ bis
du sie durch deine Potiones (mit denen man wol einē Spital-
hengst ertrencken möchte) dem vierdeen in den Rachen/ nemlich
in die Erden befürderst/ Sagstu dann das Gott etliche mittel
als Kreuter/ Frücht/ Stein/ Holz vnd anders (welches gauckel
wercks ihr dann ein merckliche anzahl/ in euweren Apotecken
habet) die morbos zu heilen geschaffen/ vnd das Christus sel-
ber mittel gebraucht habe/ ist aber recht geredt: Lieber weßhal-
ben solten denn meine mittel/ die ich brauch/ nicht so gut/ nicht
so Christlich/ nicht so nützlich als die ewern sein mügen/ so ich
doch kein andere/ dan eben die/ welche jr aplicirt/ brauche/ allein
das ihr Dreck vnd Roth/ alles mit einandern/ ich aber die subtil-
litet/ vñ wo jr ein Pfundt/ ich ein Quintlin/ darzu das ich weiß
vnd kenne/ was ich brauch/ ihr aber/ wehnet/ vnd oft weder ihr
noch etliche euwerer Apoteker wissen oder verstehen/ was ihr
brauchet/ weil ihr den Armeniern/ Indiern/ Arabiern/ Vene-
digern vnnnd anderen glauben müßet/ das es dieses sey/ darfür
ihrs eingibt.

Sagst du dann das Rothen/ disteliren, extrahiren vnnnd
vermischen ein Zauberey sey/ warumb hat dann Auicenna
gelehrt/ das der Safft oder extract vom Vermut stercker vnd
nütlicher dann das Kraut sey/ oder warumb schreibt Gale-
nus vnd andere/ wann man aus Rhebarbaro den Safft ziehe/
werde er vnkrefftig/ freylich derhalb/ das die Tugend im Safft
sein wirt/ wo du aber je darauff bestehst/ wolan so bistu ein Apo-
tecker/ hette schier gesaget Dinckitancker gewesen/ hast ohne
zweiffel

zweiffel die aller größest Zauberey mit deinem kochen getrieben/
weil du ein Recept von 100. stücken/ ich aber allein ein Arca-
num/ von 2. 3. oder auffs meist 4. zusammen vereinbare/ vnd
bereite: Ich frage dich aber vnd deine Mitlagner weiter/ was
ihr doch von der Lepra/ von der Hydrope/ von der Phtitili
Tabe haltet/ ob ihr die für naturales/ oder Hyperphiscos
morbos achtet/ sagt ihr das sie natürlich sein/ lieber warumb
curirt ihr hie nicht/ weil ihr solche grosse Doctores/ hette schier
gesagt Stocknarres seindt/ vnd helffet den Leuten derselbigem
Kranckheit abe.

Saget ihr dann/ das sie Hyperphisci/ vnd vnheil-
sam sein/ oder sonst kein Arzney/ die für solche oder andere
Zauberische Gebrechen helfen könne oder möge/ vorhanden
sey/ Warumb braucht jr nicht nach der Lehre Dioscoridis den
Beyfuß/ weil er sagt das wer den bey ihm trage/ ihm keine
Zauberey nicht schaden möge/ besiehe cap. Arthimiliae/ Oris-
balius ein treffelicher Arzt/ lehret der die Beonien körner bey
ihm trage/ dem möge der Teuffel nicht schaden. Platearius
machts noch besser/ damit man sehe daß ihr alle euwere funda-
menta aus aberglaubischen losen schrifftten habt/ vnd saget/ wer
solche wurzeln vnd körner in seinem Hause habe/ an dem möge
der Teuffel kein gewalt haben/ Aber ich für mein theil darff
keiner Beonien körner noch wurzel/ wolt vor dem Teuffel wol
sicher sein/ wann ich vor seinen gliedern/ als dir vnd allen deinē
Mitlagnern rüwig sein köndt/ ich geschweig das Auicenna/
Hypocrates/ Galenus euwere Lehrer so viel Recepten durch
mancherley tandterey ganze Bücher gefüllet haben/ welchen
ihr als ihre discipul nachfolget/ wie dann inn allen Apotecken/
solcher vntüchtiger Recepten ganze hauffen vorhanden/ der-
halben weil ihr wißt/ das sie vnheilsam sein/ bescheißt ihr die Leut
mutwillig/ vnd fürsetziglich vmb das ihre.

Sagt ihr dann/ man müsse den Menschen nicht treflos
lassen/ müsse das best bey ihme thun/ vnnnd sehen ob man ihme
helffen möchte/ist aber recht vnnnd wol geredt: Warumb mag
ich dann meinen fleiß vnnnd Erfahrung nicht so wol brauchen
als ihr/ die ihr nicht Paracelsisch/ sonderen nur Galenisch sein
wollet. Sagt ihr dann/ derhalben das ichs von keinem Do-
ctor gelehret/ auch nicht auff Vniuersiteten gestudirt/ vnnnd
keinen Gradum des roten Huts habe/ Lieber so frage ich euch/
wo eurer Medicin erstlich herkomme/ Sagst du von Hypo-
crate/ von Mesua/ von Rasi/ vnnnd anderen/ lieber wer seind
sie gewesen/ wer hat sie zu Doctores gemacht/ haben sie nicht
in ihrer Muttersprach/ der ein Arabisch/ der ander Griechisch/
der dritt Caldeisch geschrieben/ Ist deme nicht also: daß innert
200. Jaren die ganze Medicin/ wie sie fromme vnnnd chrliche
Doctores jetzt gemeinlich brauchen/ erst auß anderen Spra-
chen ins Latein kommen seind/ Solten derhalben solche Er-
finder/ derselben/ Teuffelsbeschwerer vnnnd Zauberer gewesen
sein/ darumb das sie kein Latein gekundt/ Zu dem lieget ihr
mich schendlich an/ das ich kein Sprach verstehe/ Latein kan
ich so viel das ich deine Diebflügen verstehen kan/ So trutz
ich dich vnd viel andere deines gleichen/lose Fragen in Hispa-
nisch/ Französisch/ Dalienisch/ Vngersch/ Hebraisch/ Cal-
deisch/ Arabisch/ Syrisch vnd andern Sprachen/derer Buch-
staben du nicht kennest/ so viel mir noth ist/ in welchen Spra-
chen mehr dann im Latein gute Künst vorhanden. Zu dem
wüste ich nicht was ich auff etlichen Vniuersiteten/sonderlich
bey dir zu Grypswalde in deiner Facultet (weil du ein solcher
loser Ehrendieb vnd Lügner bist) lehren solt/ Wann du aber
ein Gesell werest wie Galenus/ Hypocrates/ Mesue vnd an-
dere gewesen seind/ solt mich nicht reuven/ einem ein stück we-
ges/etwas von ime zu lehren/ ime zu lieb zuziehen/ die Schuh
zu wischen vnd andere Dienste zubeweisen/ Das es dich aber
wunden

wunder nimpt/ wo her mir solcher Verstande der Sprachen/
Medicin/ distillation vnd calculation der Calender/ auch er-
kennnus des Gestirns herkomme/ hie sihet man/ was du für
ein leichtfertiger Tropff bist/ vor sagstu ich habß vom Teuffel/
setzt wundert es dich woher es mir komme/ hetteß du es aber ihe
wissen wöllen/ Were dir wol angestanden/ das du/ wie es viel
Ehrlicher/ Hochgelehrter vnd wolberühmter Renner/ welche
ein viel weiteren weg/weder von Berlin zu dir zu Grypßwald
ist/ Auß Portugal/ Engelland/ Neapolis vnd Italia/ Ja auß
anderen Nationen/ als Liffande/ Schweden/ Desterreich/
Kernten/ Franckreich/ zu mir gezogen/ dich zu mir versüget/
mein thun vnd leben/ betrieb vnd handel/ Officin vnnnd Haus-
haltung besichtiget/ vnd mich deines verwunderens berichtet/
Würde dir nicht allein/ wie anderen (die deiner Lügen nicht
glauben/ sondern mir zu lieb/ dich als einen Ehrendieb erkennē/
vnd für einen losen Fischer halten) nicht allein ein gnugsamer
berichte gethan/ sondern auch gewissen worden sein/ das du deine
Diebßlüg wol entporen vnnnd in dir behalten/ vnnnd dein Alter
mit besseren Ehren gezieret hetteß.

In den anderen folgenden Thesibus / Also
auch inn ihrer Auflegung/ ist eittel auß andern
Büchern gestolen ding/ Blanderst vil von Unhuldē
dem Paracello vnd mir / leugst doch den mehrē
theil wie dein angeborne gewohnheit ist.

S Erhalten felt mir nicht vnbillich diß ganz wunderlich
für/ das du/ als ein solcher grosser Philosophus hette
schier gesagt/ Philicculus bist/ vnd weiß vngeweißete
vnnnd glaubst so gewiß/ daß ein alte Hex/ Unhuld/ Zauberin/
Teuffelbeschwerer/ Giffeloch/ oder andere schelmische/ lose/
vö Gott vnd brüderlicher Lieb abgekehrte Personē/ durch spre-
chen

chen segnen/ lochen/ auff den weg giessen/ vnter die Schwellen
legen/ oder vergraben/ mit zauberischen worten/ Charactern/
Segen oder neißwas anderen specien/ materien/ oder sub-
stantzen durch mithülff des Teuffels/ einen Menschen/ oder
ein ander Creatur erkrencken/ vmbbringen/ vnd sonst beschedi-
gen können sollen. (In dem du zwar viel Aberglaubischer bist/
dann Deiotarus/ vnnnd viel vnsinniger denn Saul/ aber mit
mehr Thorheit vmbgeben dann Nero/ vrsach/ daß du) dieses/
das Gott/ der aller dingē warhafftiger/ Allmechtiger Schöpf-
fer/ auch seiner Creaturen Lebengeber/ ernehner/ beschirmer
vnd seligmacher ist/ so starck/ so krefftig/ so gewaltig sey/ daß er
etwas mittels solchen Veneficationibus vnnnd schelmischen
verrätherischen betrugnissen zum Widerstandt vnd ablegung
geschaffen/ gemacht/ vnd damit sein Allmechtigkeit/ sein Nam-
men vnd Ehr/ gelobet vnd gepreyset würde/ Menschlichem ge-
schlecht zu gut verordnet habe/ nicht glauben kanst: Dann das
ist je gewiß/ weil ein eusserlich abwesend ding/ als ansehen/ ver-
fluchen/ zauberische Redt/ Character/ Bildt/ wort/ vndter die
Schwell etwas graben/ in weg giessen/ den Menschen nicht be-
rührt/ ein solche Krafft hat zu beschedigē (welches doch Dexi-
creon/ als ein Heyd der die schandlichen begirdē der Samoi-
schen Weiber allein mit treuworten jnen vertrieben/ vnd sie vñ
solchen vppigen gelüsten gefreyet hat) warumb wolt dann ein
wurk/ kraut/ stein/ oder ander natürlich Mittel/ so von Gott
geschaffen daß ein Christ vnd glaubiger Mensch antregt/ ein-
nimpt/ sich darmit schmiert/ salbet oder bestreicht/ oder sonst
gebrauchet/ vnd das ihm Gott dardurch/ als durch mittel helf-
fen werde/ hoffet/ dargegen nicht helfen solte/ Dann zum
Exempel merck dieses: Das ein Ehrendieb/ ein Lügner nichts
bessers ist/ dann ein Vnhuld/ Zauberer/ oder Gifftkoch/ dann
der letzte nimpt allein die gesundtheit vnnnd das zeitliche leben/
so der erste vnnnd ander/ nemblich der Ehrendieb vnnnd Lügner/
nicht

nicht allein Leib/ Ehr vnd Gut/ sondern auch das ewige Leben/
dem Menschen begert abzustehlen/ Nun ist vielen ehrlichen
Leuten bekandt/ daß/ ob gleich solche Ehrendieb/ Lügner mit
ihren Vulcanischen Knechten/ Asteropes Brontes vnnnd Ar-
ges deren jeder nur ein Aug/ Als Schandlügen/ Ehrendieb-
stall/ Berrähterey/ mancherley Anschleg wider mich gemacht/
vnnnd do es ihnen nichts hat angehen wollen/ alle einander ihre
Kunst geliechen/ wie Memphites/ Ennio vnnnd Dino/ die drey
von eytein Hass; vñ Neid/ gar eralteten/ bleichē vnd verrumpfs-
nen Töchtern des Königs Phorcis ihr einzig Aug vnnnd Zan-
einander geliechen/ mich vermeint in Schade/ Nachtheil/ Un-
glück vnd Gefahr/ ja vmb Ehr/ Gut/ Leib vnd Leben offi haben
vnterstanden zubringen/ hab ich mich doch/ mit der Eßentz der
warheit/ mit der Tinctur der Vnschuld/ vñ mit dem heilsamē
Oleo gewisser Zuvozsicht/ Hoffnung vnd Vertrauens auff
Gott/ der mich/ meiner vnschuld/ wie Catho sich seiner auslag
vor einen Khat zu Rom vier vnd vierzig mal mit der Warheit
gegen seinen Neidern (wie Plinius zeuget) gerettet/ vnd seine
Feinde zu schaden gemacht/ Also bin ich auch Thurneysser
geblieben/ vnd will es so lang Gott gnade gibt/ mit vormeldten
gaben Gottes noch bleiben/ Derhalben/ wie ich die Warheit/
Vnschuld/ vnd die liebe Hoffnung gegen solcher venefication
offt ermelter Erzbuben gebraucht/ vnd des Teuffels/ vnd sei-
ner losen Kinder anschleg zurück gestossen/ Also weiß ich aus
Gottes warem Wort/ vnnnd vnsehlamer Zusagung vnd will
erweisen/ das Mittel wider des Teuffels kunst vnd Zauberey/
die auch ein Christ ohn verlesung seines Glaubens/ vnd ausser
halb Göttliches Zorns/ auch ohne Superstition/ mit wahren
Glauben brauchen mag/ vorhanden seindt/ Derhalben sibeet
man hie heitter/ wie dir die Eßelfüß auch Stier vnnnd Nasen
durch die Leuwenhaut scheinen/ vnd mustu nothalben ein rech-
ter. superstitiosischer/ aposteklerischer Beck/ ein vollkom: ee
Eßel/

Esel/ ein geborner Narr/ vnd voller Fantast sein/ das du glaubest/ das cussertliche/ vnd den Menschen nicht berührende Zauberney/ dem Menschen/ Viehe vnd Thieren schaden thue/ vnnnd glaubest aber nicht/ das gute natürliche mittel/ die derhalben von Gott/ auff das ihrer der Mensch geniessen möge/ vnnnd Göttliche Allmacht dardurch erkendt/ sein ewiger Nahme gelobt vnd gepreyset werde/ dorwider etwas helffen/ oder die abstellen können/ Vnd eben also ist es mit der Warsageren vnnnd den Treumen auch/ dan wer weiß nicht/ das allerley currens sey/ sie seindt derhalben nicht alle zuuerwerffen/ dann damit ich aufferhalb heiliger Schrift Exempel gebe/ hat nicht Spurina dem Keyser Iulio/ Item hat nicht Cladius der Keyser ihme selbst/ wie auch der grob vngelehrte Bauer Calanus Indus dem König Alexander seinen Todt vorhin geweißaget.

Item hat nicht Gauricius dem König Henrico von Frankreich/ der Durchleuchtig vnd Gottselige König Friderich von Dennemarck aber ihm selbst/ vnnnd ich Thurneysser (wie ichs mit vil tausent Personē zu erweisen habe) Sigismund den dem König von Polen/ Monat vnd tag seines absterbens/ auch andere dergleichen sachen prophereit/ welches zwar ohne Aberglauben vnd Teuffelhülff zugegangen.

Dargegen ist mir auch gnugsam bekandt/ das in anderen solchen Sachen/ von andern Apostusleren vnd Aberglaubens gnug fůrgangen/ als mit dem Donnerschlag Domitiani/ item der Augurischen Weissagung Flaminij/ oder der wohn des Marianischen Esels vnd andern/ Es ist aber nicht löblich/ von des bösen wegen das gute alles zuuerachten.

Der Treum halben/ ist fast wie mit allerley dergleichen dingen/ es kan im Traum/ wie auch durch eigenschafft des Gestirns/ dem Menschen viel fůrkommen/ vnz eröffnet werden/ wer aber mehr dann natürlich ist/ darauff setzet/ ist so viel desto törrich

wrichter/ vnd wer ihm zu viel glaubt/ ist wie auch diese/die sol-
che ding leichtfertiglich gar verachten/ desto ein grösserer Narr
vnd Phantast/ es hat aber der erschreckliche Traum Gaij Cra-
chi zu seinem schaden nicht gefehlet.

So ist der Traum des medici Artorij dem Keyser Aus-
gusto inn den Philippischen feldern/ do er wider des Caesaris
Mörder Krieg führet/ zu seinem heil sehr nützlich gewesen/ eben
also haben auch die Traum Cressi des Indier Königs/ vor er-
schlahung seines Sohns mit nichten sein mögen/ wie dan den
Medischen König. Axtiagum / sein Traum vnnnd alle dorauß
erfolgte Vorsehung/ vor der großwerdung Cyri seines Einick
lins hat behüten mögen.

So viel die Aberglaubigen Mutmasungen anlanget/ ist
eben so wol vnterscheidt inn denen/ dann die Korntragenden
Dmeissen in dem Munde Mide des Phrigers.

Item die Honigführenden Bienen/ inn dem munde Plas-
tonis.

Item das aus der Brunnen/ in der Feinden Läger lauffen
der Hunden vor Pavia/ ist zwar kein Socrätisch Teuffel-
werck/ noch Pythagorische Apostusleren/ Auch kein Agripis-
sche vnd Trithemisch Superstition/ Sondern das erst künst-
tiger Reichthumb/ das ander Wolredenheit/ vnnnd das dritte
der Victoria gewisse vorbotter gewesen.

Was aber/ vnd so viel die Giffelbösch/ Zauberer/ Teuffel-
banner/ Geistberüffer/ Hexen/ Unhulden/ Wolffreiter/ Gab-
lenfahrer/ Trachenfuertter/ Kranckheiten Segner/ Gesücht-
sprecher/ Warsager/ Scheszgraber/ Diebenzeiger/ Wolcken-
fresser/ Christallengucker/ Schlangenbinder/ Alrumengraber/
Gestalt verenderer/ Feberbüffer/ auch andere ihre Zunftbräu-

der vnnnd Schwestern/ alles Lügner/ Ehrabschneider/ Falsche-
zeugnuszpredet/ Ehrendieb/ Kupplerin/ Meineidige/ vnd derglei-
chen an Ehrengeschendte/ Gottsuerleugnete/ Aberglaubische/
Neidische/ Verräterische falsche Christen anlangt/ achte ich
du bedörffest niemandt. Wie/ warmit/ oder in was gestalt/ die
gestrafft vnd aus der Christlichen Gemein außgerenttet wer-
den sollen lehren/ oder ordnung geben.

Weil nicht allein in heiliger Göttlicher Schrift/ ihr Bro-
theil/ von Gott selber gefellet/ sondern auch vorzeiten die Hei-
den/ vnnnd jetzt zu vnserer zeit die Mahometischen/ solche mit
Schandterfülte operation des leidigen Teuffels nit gelitten/
Wie man weiß/ daß Telsus vnnnd Tercena gehen Arhen ge-
zogen/ vnd die Medeam ihrer Zauberrey halben verklagt/ vnnnd
daß man ihr Statt vnd Landt verbotten/ erlangt hat. So ist
auch in Gerichtlichen Processen aller Stett vnd Landtsord-
nungen nach jedes Königreichs/ Fürstenthumbs oder sunst O-
berkeit/ Sitten/ gewonheit/ gebrauch vnd ordnung/ vorlangt/
vnd che du solchs anzeigt/ was die/ so sich Gottes verlaugnen/
sich dem Teuffel ergeben/ mit dem Teuffel Bündnus machet/
etwas von ihm empfahen/ ihren Nächsten schedigen/ mit dem
Teuffel kesserrey wider die Natur treiben vnd sündigen. Jee die/
so die Hochwürdigen Sacramenta mißbrauchen/ im schein
Christlicher andechtigkeit gleichnerisch empfahen/ die entehren/
schenden/ Item abergleubische Arzneyen den Leuten geben/ sie
lehmen/schedigen/ vermeinter weiß Wetter machen/ vnnnd des
Teuffels Rhat pflegen/ mit Feuwer/ Schwerdt/ Wasser/ vnnnd
andern darzu dienstlichen Instrumenten gericht/ vnnnd ab dem
Erdtreich verulget werden sollen. Dann du hierinnen aber-
malen nichts/ dan was du aus anderer Leuten mundt gesogen/
vnd ein groß geplerz/ welches doch dir oder deinem Beruffe nit
gebühret. Machest/ als ob du so enfferig/ andechtig/ Gottes
trimpffig

trimpffig vnd Christlichs heils/ so bedechtlich sehest/ vnd gedenckest aber nit/ daß dein Ehrgeiz/ falsch Herr vnnnd Listige Gedanken/ durch die vorigen Reden so von dir beschehen/ wie durch ein Glas zu kennen ist.

Du darffest auch Gott nicht so tieff vnd mit gleichnerischen Worten/das er solche Leut straffen/ bitten/ Sondern soltest sein Göttliche Allmacht/ das er dir deine Sünd vnd Schandlügen verziehe/ vnd dein ehrendiebische Zungen/ dein falsch neidisch Herr/ zur Wahrheit/ rechter Treuwe vnd Liebe gegen deinem Nächsten belehrte Bitten/auff daß deine inn der Jugend getribnen Gutscher/Vader/Apotecker stücklein/ seht in deinem Alter ourch ein erbars Leben verdunkelt/ vnd verdeckt würdē/ vnnnd solche irrgengige vnd vom Teuffel vberlistete Leut wider zur Buß vnnnd Huld Gottes kernen/ vnnnd Kinder des ewigen Reichs vnd der Herrlichkeit Gottes wider werden möchten.

Du beruffest dich auff dein Freyheit/ die du habest zwischen hypocratischen Medicin vnnnd der Paracelsischen (nebens dem/ daß du den Gerhardum Tornen für einen zeugen das Paracelsus ein Teuffelsbeschwerer gewesen sey/ anzeuhest/ dorinn du ohne zweiffel beyden gewalt vnd vnrecht thust/ vnd mir nicht zweiffelt Tornius werde sich ehrlich gegen dir verantworten) zu disputiren/ ja wenn du so viel Kunst in dir hettest/ vnd du es nicht aus Neid/ Hass/ vnd Mißgunst/ vnd von andern/ die gleich so gut seind/ als du/ emlehnest/ die selbs nicht so viel ehren wert/ daß sie es vnter ihrem nammen hetten dörfen thun/ diß laß ich gut sein.

Es ist aber ein anders/ gutter Künst/ vnnnd Natürlicher sachen halb zu disputiren/ wie andere fromme Philosophi auch thun/ die rationes (weil zwar einem die Galenische Medicin schwer gnug wirt zu studieren/ derhalben nicht ein jeder so starker memori/ daß er beiderley wissen vnd fassen möge/ vñ doch

E iij

gern

ger n den grundt wissen wolt) zuerfragen/welches man keinem
für vbel auffnehmen / auch keiner sich solchen Kunstliebenden
freundtlich zu antworten enthalte soll : Ein anders ist es aber/
frowe ehrliche Personen/ Ehrendiäbischer weiß an ihren Eh-
ren zuwerlesen/ laß sie zu deinen schönen Thelibus auch den
offentlichen/vnnd vnter zweyer Notarien Subscriptionibus/
vnd vö mir besiegelten Brieff den deine Mitcollegen (wie sie
bekande) empfangē/ vnd dir fürgelesen/ den du also stillschwei-
gend. wie der hundt sein gwall gefressen/ darzu drucken/ vnd laß
es frey außgehen/ so wirt man sehen/was du für ein Gesell bist.

Derhalben ich dich/ weder durch stumpffreden/ oder stich-
wort/ wie sie die Griechen vnnd Türcken nennen/ auch nicht
durch scharpffe verborgene/ oder occultisch reden/ wie sie Ci-
cero vnd die Persier dolmetschen/ vnd noch vielweniger durch
beißende schmirredē/ vnd herzenstöß/ wie sie Macrobius heis-
set/ sondern frey auffrichtig/ gut deutsch/ glade/ runde vnd ver-
stendig/ ja auff daß aller außfürlichste/ daß du vnd alle andere/
die mich solcher Zauberey/ Teuffelsbeschwerung/ Rathß/ Ges-
sprachs/ Hülf/ Gemeinschaft/ Vertrags/ Bündnus/ Pacts/
oder inn andere wegweiß/ wie die Nahmen haben mögen/ mit
dem Teuffel/ oder seinē Gliedern/ Als Heronen, Familiaren,
Gnomen, Satyrien, Erscheinungen/ Geistern/ Vulcanen,
Nymphen, vnnd was des Teuffels gespenst/ vnnd Joelische
Lügengeister mehr seindt/ Oder das ich einige superstitiosische
gefahr/ inn meinem Calender schreiben/ frembder Sp^{ra}chen
reden/ Harnprobieren/ curiren/ distilliren/ vnnd was ich son-
sten (nach der lehr des hochweisen vnnd fürtrefflichen Man-
nes Plauuij) den verfluchten Müßiggang zu fliehen/ aus
kunstliebendem gemüt triebe/ vbe/ vollbringe/ bereite/ zurichte/
mache/ oder das ich die Creaturen Gottes/ oder andere mate-
rien/species/ oder substantzen/ corpora/ vnd was der dingen
mehr seindt/ oder ihre/ sinnen von dem Allmechtigen vnnd eweg-
besten

bessendigen Wort Gottes angewünschter Tugenden/ Vires/
vermögligkeiten/ arten/ würckungen/ anders/ dann recht/ inn
warer Aufrichtigkeit/ wie das einem ehrliebende Christen man
eigent vnd gebührt/ eusserst meines verstandes brauche/ nütze/
oder applicire/ oder jemandt zu brauchen rahte/ diese alle (sage
ich) die reden gleicher gestalt/ wie die/ so die schöne Fabel/ vnnnd
ehrendiebische Schandtlügen/ daß der Teuffel so in Münchß
gestalt bey mir gefessen/ Edlenknaben die Hätz vmbgedrehet/
vnd die Drabanten vbel/ biß auff den tod geschlagen/ vnd das
mich der Teuffel mit Leib vnd Seel hinweg gefährt/ mich inn
stück zerrissen/ vnnnd der Churfürst mein Genedigster Herz/
mich habe verbrennen lassen/ ich geschweig der herrlichen Pres
digten/ do Thurneysser mit seinem Teuffel (wañ solche gros
se hohe prophetische Geister in ihren Delphinischen vnd Has
monischen/ het schier gesagt Mammonischen Lufftloch / sich
gnugsamer/ vberflüssiger dolheit erfüllt) alzeit formen dran sein
muß/ welche zwar aus etliche Academijs vnd hohen Schulen
erstlich hergestossen/ vnd darnach von etlichen höflichen Gesel
len aulicis (bey mir Lügner vnd Dellerlecker genandt) welche
allerley Diebstlügen außzubreiten sehr geschickt vnnnd fertig/
seind/ publicirt worden/ Ey eine schöne frucht/ daß man sie
nicht (mit reuerentz vor den vnschuldigen zu reden) auff ei
nen Schweinßzirel pflanzet/ damit sie nicht inn verdorrung
gerathen/ pfuh der schanden/ seindt das die Professores/ Cen
sores/ vnnnd Reformatores/ wie werden dann die Auditores/
Ciues vnd Discipuli sein.

Nun kömpstu auff mein Schloß das ich gekaufft haben sol/
vnd auff mein Vermöge/ dessen darffstu dich nicht so hoch ver
wundern/ vnd es mir also mißgünnen/ weil Roscius ein schlech
ter/ aber warhafftiger vñ aufrichtiger Gauckler/ welcher zu der
zeit L. Syllę des Dictators/ vñ bey dem leben Ciceronis gelebt/
teglich auß gemeiner Schatzkammer zu Rom 1000. groschen
einkommens/ der nit ein solchen dienst/ wie ich zuuorwalten/ vnd
in einem

in einem Jar kaum so viel gearbeitet/ als ich in einer wochen vff
mein besoldung gedienet hab: Warumb hastu dich nicht auch
gehalten/ daß du etwas vberkommen hettest/ jetzt/ do du nicht
weiter kommen magst/ wiltu inn deinem Alter mit Liegen vnd
Ehrabschneiden reich werden/ ich dencke aber man kenne dich
wol/ es wirt dir nicht angehen/ wie dann obgemelten Gauckler
Roscio beschehen ist.

Nun weiter rühmpstu aber dich selbst/ redest von Sachen/
derer du keinen verstande hast/ gleich wie ein Gansz dadert/ aber
was soll man von dir sagen/ du mußt geschmehet vnnnd gelogen
haben. Lieber was hat dir die Waffensalb gethon/ das du sie
also verachttest/ kantsu die machen/ so zeige mir einiche abergleu
bische handlung/ oder etwas/ das einem Christen zu thun nicht
gebühre darinn an/ vnd straffe dich selbst lügen.

Kantsu sie dann nicht machen/ lieber/ wie kômptstu darzu/
daß du etwas darffst schmechen/ daß du nicht verstehest/ doch ist
es an einem/ der diesen/ den er nit kennt/ darff schmechen/ nicht ein
wunder/ wie es dann einem solchen/ daß er sich dessen berühme/
das er nicht kan/ nicht seltsam/ oder frembd ist.

Hast du nun niche vorhin gesagt/ daß böse/ vnfrumme
Heren/ Vnhulden/ vnnnd der Teuffel selbst/ ettliche vnnatür
liche sachen (auff die du dich ohne zweiffel/ wie dein freunde
Doctor Faustus/ dessen du in der feder vergessen/ dorumb/ daß
er vvilleicht deiner art ist/ wol verstehen wirst) könne gieffen/
anhengen/ anreden/ beschmieren/ bestreichē/ daß die Leut lahm/
krumb/ kranck vnd tödtlich werden.

Soll dann nicht ein frommer/ ehrlicher/ Gottliebender
Mensch/ seinem Nechsten zu nutz ein Salb/ Pflaster/ oder sonst
medica

medicament / durch natürliche mittel / die ein Sympathiam mit dem Fleisch / vnd ein Antipathiam mit der Verlesung hat / deshalb / daß das eine heilet / das andere aber renouirt ohne andere Niclausische / Bartholomeische Vnguenten / oder ohne des Matthei de Barbi / Mesuæ / oder Francisci Pedemontani Syrupen / die von viel hundert stücken zugerichtet / verrichten mögen.

Sagst du aber / daß kein Sympathia sey / warumb hat dan Serapio vnd Auicenna geschrieben / daß / wann man Stein- farn mit eins Maulthiers milch / an einer Nacht do der Mon nicht scheint / jemandt anhencke / das es ohn zweiffel vnfrucht- bar mache.

Item / warumb hat Rasis (het schier gesagt Rasig) vnd neben ihm Kiranides gelehrt / Wann man einer Mauleselin Beer Mutter mit Eselsfleisch kochet / vnd ein Weib vnwissend darvon esse / daß sie kein frucht nimmermehr tragen / oder für- bringen möge.

Item / warumb sagt Galenus / wer Beonien wurzel am Hals trage / dem vorgange Epilepsiam / Oder weshalb ver- sudelt ihr so viel von den rebus præciosis / Oder wie kömpt es / daß die aller geleertsten Doctores / wann die Pestilenz regiert / allwegen che / dann die andern / die nicht so gelehrt vnd weltweiß als sie seind / darvon fliehen. Oder was haben deiner Facul- tet Principes / vnd die aller erfahreste / als Paulus, Aegineta, Theophrastus, Celsus vnd andere / daß ein Bruder fünffzig Weilweges von dem andern / vnd da der eine an der Pestilenz gestorben / Sie von wegen der Sympathia / der ander eben auch durch solche Krankheit (ob gleich die Pestilenz an denen ort- ten / do er wonhaffig nicht regiert habe) todts verfallen / kan nun diese anhenckung wider die Fruchtbarkeit vnd fallende Suche vnd die Pestilenz vber 50. 60. oder 100. Weilweges würcen / Was solt dann daran fehlen / daß diese Salb nicht

D

vber

ober die gassen würeten solt/ Zu dem ist es erstuncken vnnnd er-
logen/das du sagest/man heile mit der Waffensalbe/ ohne alles
verbindens/ darbey sithet man/ das du ein rechter drysfacher
superstitiosischer Eselklupper/ oder Schweinschneider/ vnnnd
nicht ein Medicus bist.

Nun weitter blauderst du viel vom Aberglauben/ lieber/
wer ist je in seinem Schreiben vnd Lehren Aberglaubischer/dan
Galennus. Wer ist Apostulerischer/vnnnd an etlichen ohrtzen
leichtfertiger/ dann Aeuax? vnd welcher ist ein grösserer Su-
perstitiosus gewesen/ dann Aristoteles/do er gesagt/das es
ein rechte vnnnd vnsehsame vorbedeutungen gewesen sey/ das
ein Mauleselin 2. jungen auff einmal geworffen/ vnd wer hat
an auffschneidung der Thier gröber gefehlt/ dann eben er/ der
doch seiner Person halb/ ob er gleich vom König Alexander
bey 30000. kronnen verlag darzu bekommen/ gar vnersettlich
vnnnd nimmer zuerfüllen gewest/ Vrsach das er immerdar ge-
bettelt/vnd dem König sein Armut geklagt hat/ Aber mir zweif-
felt nicht/was dir geltgeizige/ ein Fürst nur 100. kronen gebe/
du börsstest den gröbsten Esel/ der im ganzen Landt zu Pom-
mern ist anatomiren/ vñ so du sonst keinen zubekommen wüsstest/
kündtest du selber wol einen grossen Esel verweisen.

Nun kómbstu wider an die Prognostication/ Zauberer/
vnd hast vil geblers von Warsagern/ich kan aber nicht finden/
wo du von deinen Zunfftbrüdern den Lügnern etwas zuschrei-
ben fürnimbst/ het wol vermeint/ du hettest die Warsagung
diuidirt/vrsach das sie nicht alle so gar zuerwerffen seind/dan
wer hat Flauium Iosephum den Jüdischen Geschichtschrei-
ber je/ das er Aberglaubisch gewesen/ oder mit dem Teuffel zu
thun gehabt/ bezüchtiget/ vnd hat doch dem Vespaliano/ das
er an Neronis statt/ in wenig Tagen Keyser werden solt/ ge-
weissaget.

Item/ hat nicht der Römische Dictator Sylla/ der aller Superstition vñ Aberglaubens frey gewesen/ auch weder dem Vogelzug/ noch Ingeweids/ also allen Abgöttische oraculen nichts geglaubt/ ja die auffs aller höchste verachtet vñnd verachtet/ gleichwol/ daß der Cæsar den gemeinen Ruz vmbstossen würde/ vorhin klärlich propheceit.

Cicero/ der alle Mirackel/ Gespenst/ Bedeutung/ vñnd Träume/ vorbildungen/ vñnd was des dings mehr gewesen vorspottet/ vñnd schimpfflich von denen/ die etwas darauff gehalten/ geredt vñnd geschrieben. Do ihm aber inn seinem Elendt traumbt/ wie ihn Marius bey der Handt erwischte/ vñnd ihn tröstlich in die Statt Rom gehen hieß/ hat er ihm selbst weißgesaget/ daß er baldt wider einkommen werde/ wie es ihm daü darauff erfolgt hat/ Derhalben du billich die prælagia mit Vernunft vnterscheiden/ vñnd nicht also neidisch dem Hencker vberantwort haben soltest.

Weiter kömpstu auff meine Studia/ Bergwerckbauwen/ Kriegen/ vñnd wandern/ dieses ist ehrlichen Leuten gnugsam bekandt/ vñnd darff keines weiteren beweisens/ das du mir aber mein Glück so gar abschlechst/ magstu wissen/ daß mir nit weniger/ dann dir/ von Gott gnad zu lehren eingepflantet/ weil du erst in dein 72 jar/ wie dein schöner Interpretatur dich hoch herfürstreichet ein Licentiat (ja Leugcentum partes) worden bist/ ist möglich/ das ich in 22. jaren/ ehe ich ein solches Alter erreicht/ auch noch etwas (aber nicht Lügen wie du) lehren werde/ weil Malsiniffa in seinem 40. Jahr erst Latein/ Vñnd Cato inn seinem Siebenzigsten Griechisch zu lehren angefangen haben. Doch hettest du wol ein gelahrter verstendiger Gesell bleiben/ vñnd der Bürde/ die du (weil du deine Lügen nimmermehr wahrmachen kanst) bis in dein Gruben tragen wirst/ wol empehren mögen.

Ja begerest du/ ich hette dich sollen mit Rechte suchen/ was
ist deises anders/ dann daß du/ vnnnd die so mich solcher sachen
halben in Rechte laden (weil mir euwer keiner gleich sein mag/
vnd an einem Lügner kein Ehr zu erlangen/ an einem verdor-
benen Bettler/ aber weder Kosten noch Schaden zubekommen
hofflich ist) mich dir vnd ihnen gleich begehren zu machen.

Wo hast du die Fürsten/ die dir meines Teuffels (wie du
leugest) zeugnus geben? Wer hat dir die Brieff/ deren du dich
berühmpst (meine Zauberey betreffende) geschrieben? Nemo
ne sic/ du loser Schweser.

Lieber weiß mir die Patienten/ die ich durch mein aufge-
sandten Teuffel erlempf/ Oder zeige mir einen Menschen/ der
mich mit warheit solcher thaten eyne/ wie du deren vil auff mich
felschlich erdichtet hast/ bezeichnen/ oder vberweisen möge.

Nun weiter vom Wetter oder Donner vnd Pliß:

Hie beweifestu mein schöner feyel abermals/ vnd bekennest
frey öffentlich/ daß du ein rechter Centacrus/ vnnnd für dich
selbs/ ein rechter Zauberischer vnnnd gar Aberglaubischer Aff
bist/ dann kanst du das glauben/ das ein Feuer vom Teuf-
fel angezündt/ mit Wasser nicht zu löschen sey/ Lieber so sage
mir/ womit löschet man es dann (sagestu wie von Alter her ein
rechter Aberglaub gewesen) man lösche es mit Milch/ oder mit
Wein/ sihe wo dein groß vertrauwen zu Gott/ vnd wiewol ge-
gründt dein Glaube sey. Dann das kanst du glauben/ das
Milch/ oder (auff dem du vvilleicht mehr heltest) der Wein solche
Krafft

Krafft habe/ des Teuffels gewalt zu widerstehen/ vnd solches
Feuer zu löschen/ Aber dieses/ das eines frommen/ Gottseligen
Christen Gebett/ vnd festes vertrauen in Gott/ dem Teuffel
widerstandt thun möge/ das kanstu nicht glauben/ O du klein/
gleubiger loser Fischer/ du armer Thor/ wie reimet sich dein
Schreiben zusammen/ soll ichs dir sagen/ Eben also/ als wenn
ein Dieb mancherley sachen stift/ die er nicht zugebrauchen
weiß/ also sihet man/ daß all dein Schreiben/ nur aus ander
Leut Büchern gesamlet/ vnd gar nichts dariñ/ das dein ist/ daß
allein der blosselügenhafftige/ falsch vnd die Ehrendiebigkeit/
das ist dein ding/ vnd seind die frucht/ die inn deinem falschen
herzen wachsen/ vnd von deiner verlognen/ Ehrendiebischen/
Ehrabschneiderische Zungen außgehauchet vnd geblasen wer-
den: Also bringstu auch stücklein von Blutstellen vnd anders/
fürnemlich aber Sanguines mane in te, &c.

Hie sehet vmb Gottes willt/wie sich der Esel selbst kühelt/
Lieber sage mir/ Wer hat solche Segen erstlich erdacht/ hast du
bey den Paracelsischen solches erfunden (leug nicht/ ich fris
dich sonst) hastu nicht denselbigen eintweders/ aus des Cor-
dani buch gestolen/ oder aus des Philippi Claudi des Italie-
nischen Arzts/ der vor 200. Jahren zu Neapolis/ ehe Paracel-
sus gebohren/ geschriben hat Commentarien geraubt.

Lieber/ wo hat denn Paracellus solches erdacht/ sihe was
du für ein loser Frag/ vnd für ein Schandelügner bist/ Meinst
du ich könne nicht auch lesen/ zu dem seind dise beyde Medici
eben deiner facultet/ aber zwar beyde früssler/ vnd vmb so viel
künstlicher/ weder du bist gewesen/ das ich in ihren Schrifften/
so veil Latein vnd Griechisch verstehe/ (wie vngelehrt du mich
achtest) daß du der keinem das Wasser bieten mögen/ ja nicht
würdig gewest werest/ daß du inen die Schüh gewischet hettest.

Das aber deren Krefftten keine/ die vber natürlichen Sa-
chen zu curiren/ vorhanden/ vnnnd wie du für gibst/ so gar kein
Krafft oder Würckung in den Kreutern stecke/ vnnnd alles ein
todtes ding damit ist/ was fabulirt daß Plinius daß das ange-
thon Hurübel (welches zwar ein rechte Zauberey ist) allein
mit dem staub darinn sich ein Maulesel gewalhet/ vertreiben
werde. Item/ was rühmt er dann lib. 7. cap. 65. von Chiro-
ne, Centauro Thesalo dem Sonn Saturni vnd der Phyliræ/
welche in der Statt Pelix gewohnet/ von so viel trefflicher sa-
chen/ die dise mit Kreutern außgerichtet/ oder w; hat Salamon
der aller weisest König für lob erlanget/ wañ er gleich von Hy-
sopan bis auff den Cedern baum/ von der Kreutern Krafft/
(weil sie keine haben) geschrieben hat.

oder meinest du daß Homerus lib. 2. Cob er gleich ein Poet)
vmb sonst den zweyen Söhnen Asculapij/ dem Poladirio vnd
Machaone (weil es andere Historici auch gedenecken) wie sie
so viel wunderliche Schäden mit Kreutern geheilet haben.

Item/ Zum Beschluß vnd Deckel darüber/ was betrieget
schr dann die Leut mit euren Recepten, Sinegmis, Enchris-
tis, Fomeaten, Pharmaceuticis, Potionibus, Pharmacis/
Syrupen/ Eleuarien/ Pillulen/ Worsellen/ Pflastern vnnnd
Salben/ da mehrertheils Kreutter/ Würgeln/ Blumen/ Sah-
men/ Frucht/ vnd anders dergleiche/ deren Krafft vnd Tugend
schr/ derhalben das schr sein nicht würdig/ von Gott seide/ nicht
theilhaftig weret/ dareinn kommen.

Derhalben solt du wissen/ daß/ ob dir gleich solche myste-
rien nicht kundt/ seind sie doch vielen frummen vnd ehrlichen
Medicis (derer aller ich hier/ in kein argem gedacht habẽ will)
durch Göttliche gnad mitgetheilt. Ob dir aber von Gott et-
liche

liche kundt vnd offenbat worden/ darffest du derhalben/ den der
es nicht erlanget hat/nicht verachten/ dann gleich also were es/
wann ich dich verachtete/derhalben/das dir Gott was gegeben
hette/das er aber mir/oder einem andern/nicht gütten wolt.

Was nun die Sacrificulos vnd Kirchensenger anlanget/
ist/ damit niemandes von die vngeschmilt bleibe/ wie im ein-
gang meiner rede vermeldt/ das du die nach Teuffelischen
brauch/damit du weder Fürstē/noch Geistliche Personē vnges-
tadelt/lassest/ antastest/ da sihet man aber dein ehelichs/ Christ-
liches/ja ehrlōß/ Gutscherisches Gemüt/dein Neid vnd falsche
Hass/herfür blüehen/dan wenn ich ein solcher offner Sünder/
Zauberer/ vnd christelichs Glaubens verlaugnetes Gesell(wie
du vñ alle deine Mitconsorten/ehrendiebischer weiß auff mich
dichten vnd liegen)were/ so gebührt es ja den frommen Theo-
logen ihres Ampts halben/das sie mich oft consolirten/vnd
mich heimsuchten/ Mir aber gebührt es widerumb/das ich da-
mit ich bessers von ihnen vnterrichtet würde/ mich zu ihnen
halte vnd ihnen folgen solte.

Dann wo ist Christus vnser Seligmacher am meisten ge-
wesen/ bey den Pharisern oder Sündern / von wemwegen ist
Christus in die Welt kommen/von der Gerechten wegen/ oder
vmb der Sünder willen/ bey wem haben die vngerechten/ vnd
Sünder eher Gnade gesucht dann bey Christo/ vnd wo haben
sie die Ablolution anders/ dann bey Christo/ vnd hernach bey
den lieben Aposteln von Christi wegen/ vñnd wie jetzt bey den
frommen Predigern/ die in ihrem dienste/ an statt Gottes/
nach warer reu vnd besserungen/ verzeihung der sünden/ ge-
sucht vnd gefunden/ Item sagt nit Christus/ Er sey nit von der
Gerechten/ sondern der Sünder wegē in die Welt kōmē/ oder
hastu nicht gelesen/das die Gefunden keines Arztes bedürffen.

Derhal

Derhalben/ vnnnd weil ich mich von Jugendt auff (wie alle/
die mich kennen/ mir zeugnuß geben müssen) zu Gelehrten/
künstreichen Leuten/ vnd frommen Gottseligen Predigern ge-
halten/ mit denen Kundtschafft gehabt/ vnnnd aufferhalb solcher
Leut/ weniger Gesellschaft mich angemasset/ auch sonst mit
niemandt viel zu beschliessen gehabt / Du aber jest mir solches
vergünneest/ mit frommen ehrlichen Leuten. vnnnd Gelahrten/
aufrichtigen Personen/ kundtschafft zu haben/ vnnnd dieselben
verachtest. Wolan/ so magstu mit Ehrendieben/ vnd Lügneren/
vnd falschen Zeugnußpredern/ wie du einer bist/ auch mit Hen-
ckerh knechten/ Spitzbuben/ Huren vnnnd andern kundtschafft
vnnnd gemeinschafft haben/ vnnnd dir wol bey ihnen sein lassen/
Ich hoff/ es werde kein ehrlicher Mann/ deiner vngegründten
falschen Lügen halb sich meiner euffern/. So werde auch deine/
in dieser Sach dir beyßendige Mitgesellen/ die selbst Vnflät-
ter/ Seuw vnd Lügner seind/ von ehrliebenden Personen/ nicht
dester ehrlicher gehalten/ Ob sie gleich mit dir heimlich durch
dein Lügenmaul reden/ vnd viel verborgene schmachwort/ die
weder du/ noch sie beweisen/ oder warmachē möge/ außgießen.

Nun weiter/ Weil du nun widerumb auff deine Schelt-
wort kompst/ vnnnd so gar wider die vnichtigen Wärekungen
bist/ vnd daß derselben keine gegen den Hyperphylis morbis
sey/ glaubest. So frage ich dich/ woher sterben die Krebs/ wann
ein Saww vnter dem Wagen hindurch leufft/ warumb wirdt
der Wein seiger/ das Bier aber saurer/ waß es donnert/ Sag-
stu es ist eine Zauberey/ wer hat die Saww/ oder den Donner
gelehrt zaubern/ Sagstu es kumpt von einer Antypathia/ oder
widerwertiger Natur her/ Ergo / denck hindersich an deine
wort/ warumb kompt dann dieses / das die Wunden heilet/
Zauberey vertreibt/ vnd das gegossen/ oder gelegte bricht/ oder
zrsstört/ auch nicht von einer Sympathia/ oder mitleidenden
Natur.

Natur her/weil man wider das Sterben/der Krebs/also wider die seigerheit des Weins/vnd seuwre des Biers (wie zucrweisen) gewisse vnd warhafftige Mittel/die zuuorkommen vnd so sie beschehen/ die auch wider abzustellen weiß.

Der Siglen halb/ hat es eben so viel Krafft/ als viel Wirkung der Medicorum (die es bereittē) fleiß darzu thut/ das aber der Aberglaub die Heilung verursache/ sage ich/ warum besitzest nicht allen deinen Patienten daß sie dir auch glauben/so wirstu dir auch einen grossen Namen machen/ weil sie alle allein vom Glauben gesundt/werden sie inn den Apotheken nicht viel zubezahlen haben/ aber ich besorg/ sie haben deiner Warheit also gewohnt/ daß sie nicht grossen Glauben auff dich setzen können. Vnd ob du/ als ein Doller Geck/ auff die Character (welches doch nichts dann Syrische/ Eyrulische/ Arabische/ Indische/ vnd anderer Sprachen buchstaben seind/ vnd nicht/ wie du vnnnd andere treumen/ Teuffelische Zeichen/ oder zauberische Character/vrsach das es gleich gilt/man schreibe es mit Lateinischen oder Medischen/ Moscowitischen oder Egyptischen Buchstaben) solchen argwohn der doch nichts ist/hast/ des aber eben mit solchen literen oder typen verzeichnet/ geschicht aus zweyerley vrsachen/ Erstlich/ daß die Inuention solcher Cur von denen so solche Sprach verstehen/beschehen/Anders theils/daß man deren Inhalt nicht so deutlich inn andern Zungen reden kan.

Das ich aber Sprachen aus Teuffels eingeben/ den ich inn einem Glas/ wie ihn Paracellus (dem du seine Schrifften auch verlogner weiß auflegst) in seine Schwerdtsknopff gehabt/ trage/ seindt schöne reden von einem solchen Heiligen/ het schier gesagt heillosen Leugcentiaten/ weiß mir der Brieff einen/dorinnen es dir geschrieben? Nenne mir die Fürsten/wie du dich berühmpft/ die solche Teuffel bey mir gesehen haben/

E

Diechß.

Dießblägen seind es/ du hettest sonst meiner nicht geschonet/
wann du es mit Wahrheit zu beweisen gewußt/ weil du so freuel
bist/ daß du mit Lügen solches reden darffst/ Es soll aber noch
im druck öffentlich an tag kommen/ was deine fundamenta
seind/ die du vnd andere deine Mißlügner von denen ich durch
aus hie allein rede/vnnd kein frumme Medicos/ oder ihre mo-
dos zu curiren getadlet haben will/ do ihr wenig meine/ das
ichs wisse) im werck habt/ damit man sehe/ was ihr für schöne
Gesellen seidt.

Das ich viel schreibe vnnd wenig verstehe/ das wirt sich
mit der zeit erfinden/ was ein jeder verstanden/ oder gelehrt/
vnd gewußt hat/es sollen solche Parafanten vnd Lotterbubers/
die ein solchs außrufen/an ohren/do sie wol anders außzuruf-
fen hetten/ vnd ihnen ihres Ampts halben bessers außzurueffen
gebührt/ mit der zeit (weil man am außbuzen aller erst innen
wirt/ wo es jedem gelegen) was sie dem gemeinen Mann wie-
der ihrer faculteten inhalt eingeblasen/vnnd wem sie ihrer
Zungen geliechen haben.

Der Astronomiæ halben/ darff es nicht viel beweiß/ weil
ichs Königen/ Fürsten vnnd Herzen/ auch andern/ die auch/
tu stulte/ verstehen/ die vrsachen geoffenbaret/ Derhalben ist
es nicht von nöhten/ dir vnnd jedem Fantasten / solches zu er-
öffnen/ Wann du aber den Prælagijs so seind/ vnd höchlichen
zuwider bist/warumb widerlegestu dem Lichtenberger/dem Car-
dum/vnd Nosterdamum/Gauricium/ vnd andern ihre præ-
sagia mit. item Hypocratis Schrifften/ der alle medicos die
der Astronomia keinen verstandt haben/ verachtet/ für nichts
helt/ vnnd ihnen keine Cur zutrauwet/ oder weil du ein sol-
cher Eysenbeisser bist/ warumb curirstu die Leutte nicht/ so
darffichs nicht thun/ ja mit Lügen bistu ein schöner gro-
ber Escl. Es gilt aber nicht also/ wenn man curiren wil/ muß
man

man den Verstandt vnd die Hende/ vnd nicht das Lugenmaul
brauchen/ wer etwas erfahren/ lernen vnd bekommen wil/ muß
die Wahrheit reden/ die hende inn Teig stossen/ vnnd sein zeit
mit wachen/ reisen/ arbeiten/ vnnd nicht mit Lewtaufrichten/
vnnd andere vrachten/ vertreiben.

Das mir aber etliche Sachen von Gott nachgelassen
werden/ damit ich mein Autoritet beim gemeinen Vöfel erhal-
te/ ist eine schöne redt von einem alten Narren/ lesset einem
Gott eines nach/ vnnd gefelt ihm/ warumb gefallen ihm die
anderen nicht auch/ thut ihm dann Gott zur Straff/ wor-
umb verhenget er ihm nicht alles/ so wird die Sünd desto
größer/ habe ichs dann mit dem Teuffel also gepactirt/ vnnd
verrichte der Teuffel eins/ warumb verricht ers nicht alles/
wird ers nit halten/ vnd mich in Schimpff bringen/ so bin ich
je ihm nicht zuhalten schuldig/ machet mich dann der Teuffel
zum Lügner/ wie er ist/ so ist er ja wieder sich selbst/ kan er dann
eins/ vnd kan das ander nicht/ Was beleugstu dann den armen
elenden Teuffel vnnd gibst im hie vorn/ vnnd hernach/ so viel
Künst vnd Gewalt zu/ zu lehren/ auch was meinstu/ das ich so
ehrgeizig sey dz ich mein sach auff zergenglichen zeitliche rhum
gestellet/ oder was meinstu/ das ich nach deinem/ oder anderer
loser Hudler/ wie du vnd deines gleichen sind/ lob oder schelten
frage/ oder darauff halte.

Es werde mein practiciren wahr oder nicht/ Ich pro-
gnosticire aus deren Angeben/ aus deren Schrifften vnd Leh-
ren/ do du vnd andere jren Gradum empfahe/ sage nit/ das es
geschehen muß/ Curir mit denen specien/ do alle frumme Me-
dici ihre Recepta auß beschreiben handt/ vnnd laß Gott dem
Allmechtigen seinen willen/ bitt Gott vmb verleihung des gut-
ten/ vnd abstellung des bösen/ dann meinenthalben wirt Gott
seinen Heiligen vnd Außerwelten nichts/ ob ichs gleich practi-
cirt hab/

cirt hab/ widerfahren lassen/ So ist auch ob es geschehe/ oder
verbleibe/ nicht so groß doran gelegen / hab auch nichts drauff
gesetzt/ Ich bleib gleichwol der ich bin/ weil ich niemandt sein
Ehr vnnnd guten Leumbden ehrendiebischer weiß abstiele/ nie-
mandt verleug/niemandt betreug/ meinem Nächsten nicht vn-
recht thue/ Regnet es so ist es naß/ scheint die Sonne so truck-
net sie es wieder/ wehet der Windt/ so wehlen die die Beum/
hats Ptolomæus, Halij vnnnd Abenragel nicht alles troffen/
gleich so wenig/ als Hippocrates, Mesue vnnnd Galenus nicht
alle/ die sie vnterstanden zu curiren/ Gesundt gemacht haben/
so vnderstehe ich michs nicht besser/ irren ist Menschlich/ aber
Ehrabstehlen / Lügen reden/ falsche Kundtschaffe geben / ist
schelmisch/diebisch vñ verrätherisch/Cardanus, Leouicius vñ
Stoflerus haben geirret (wie sie selbs bekennt) aber ihrer keiner
ist ein Ehrendieb/ oder Lügner vnnnd falscher Anklager gewesen.

Das ich von meiner Gnedigen Herrschafft/ vnnnd andern
Potentaten/ groß Bestallung vnnnd Geschenck empfahe/
Danck ich Gott/der mirs zufügt/ vnnnd beflisse mich auch mit
Danckbarkeit/ souiel mir Gott Gnade gibt/ solches zuuerdie-
nen/Vnd ob ich gleich auff Vniuersiteten studirt hette/ meinst
du das ich gleich also nach der Regel/wie andere gethon/practi-
cirt, curirt vnnnd kein weiter nach gedenccken/ dann eben dieses/
das ich von andern gehört hette/ gehabt/ vnnnd das ich der edlen
(dir auch allen deinen Mitlagnern unbekandte) Profesion
φιλοσωμ vnnnd anderen gutten Wissenheiten nicht nachges-
trachtet haben solt/ nein zwar/ ich wolte mit Göttlicher All-
macht/ Hilff vñ Gnaden vnnnd meinem angewendten fleiß/nicht
weniger dann Pileus der bey dem Hypocrate/ nichts minder/
dann Panneus der bey Dedalo vnnnd nichts geringers/ dann
Priton/ der bey Compano gelehrnet/meine Præceptores vn-
derstanden haben zu vbertreffen : Lieber wer hat den Demos-
sthenem

ithenem seine Wolredenheit vnd Weißheit/ oder wer hat den
Dicearchum sein Messkunst vnnnd Küftung zum Kriege/ oder
Euclidem seine Schluffreden gelehrt/ haben dise nicht alle ihre
Lehrmeister weit vbertroffen/ warumb hast du inn der Jugendt
auch nicht mehr dann andere gelehret / oder hettestu die zeit/
die du mit schönen Frauen / mit Liegen / mit Leut außrichten/
verschliffen/ auff gutte Kunst gewendet/ du werest villeicht auch
so weit kofffen / das dir Fürsten vnd Herren grosse Besoldung
vnd Geschenck gegeben hetten.

Nun das du gleich die rechte Grundsuppe auff ein mahl
habest/ So ist bekandt/ das fast alle deine Arzney vnnnd die ge-
breuch derselbigen von den Oraculis/ wie Plinius lib. 8. cap.
28. bezeuget/ herkommen seind.

Darvon/ so lise den Aristotelem in lib. natural. quæst.
de proprietate animalium, das die herstreuwete Medicin/ von
erfahrenen diuinirenden Leuten/ in grossen Conuenten/ vnnnd
Versamlungen/ beydes ohne gefahr/ oder im Schlaf/ vnnnd
Traum/ vnnnd durch Vaticinia/ auch wol durch der Teuffel
Anrüffung fundirt worden sey. Daher sihestu/ aus was
fundament dein Medicin hergehelt/ vnd wilt (wie dan solcher
loser Gesellen brauch ist) erst andere frumme/ ehrliche Leute/
welche mit hilff der Inquisition durch langen fleiß / die causas
rerum/ aus welchen die Selben ihren anfang schöpffen/ durch
vnablessige vbung/ die auch primam causam/ die species/ den
locum vnd die Art der morborum (weil die Theoremata ue-
terum seht vnser zeit kein vollkommenen Verstandt der dingen
bringen) durch gewisse natürliche experientz erkundigt/ vnd
legitima medicamentorum præparatio erfahren/ welche we-
der du noch deines gleichen lose Zungendröschel (vnd wan es
auch ein Creuz vnd Leiden im Herzen were) eben so wenig als

E iij Legi

Legitima do sie derselbigen weder Verstande/ noch deren er-
fendinus/ ja gar kein wissen haben/ für Zauberer/ Giffet öch/
Teuffes beschwerer schelten/ achten vnd halten.

Ob du nun/ das dieses die gar alte Medicin gewesen/ er-
dichten woltest/ so stößt dir diß Argument deine falsche wort
vnd meinung zu boden/ das man erweisen kan/ das Hippocra-
tes/ welcher inn der Insel Cous/ so dem Heracliten aus der
Phance erbohren/ diese von vorgemelter Arzney/ welche inn
mancherley Sprachen/ Scarteckenweiß zerspreitet/ gefereirt/
gesamlet vnd inn ein Corpus gebracht/ von welchem sie
vngefrhrllich 600. Jahr hernach/ Galenus empfangen/ vnd
euch Medicis/ zwar nicht durch geringen fleiß/ den weg (dem
doch wenig folgen) ja gern folgten/ wann sie nicht so faul
weren/ das sie es lesen vnd nicht so schlefferig/ das sie es lehren
möchten/ gewiesen hat.

Wie viel meinstu/ das fauler loser vnd Teuffelischer Rece-
pten darmit vntergeloffen/ vnd sollen wol eben die sein/ die du
vnd deins gleichen für die aller besten/ vnd geheimsten halten.

Nun sage mir hie ein Verstendiger/ vnparteißer gelehr-
ter Mann/ welches vnder diesen hernach folgenden zweyen
weisen zu curiren/ für die größte Impostur/ oder Betrugk sey/
vnd der Zauberey am gleichsten sey zu halten.

Erstlich/ so ein Kunst/ vnd der distilation/ auch natür-
licher Sachen erfahrner Mann/ aus einem Kraut/ Wurzel/
Blum/ Frucht/ Metal/ miner/ stein/ Erdsaffre/ Frucht/ Holz/
Gewechs/ oder was der dingen mehr seind (ich rede hie nicht
von Betriegern / die etliche Hundert Thaler auff neißwas
fürtrefflichen Arcanis/ die sie sich vnterstehend zu bereiten/ vñ
doch nichts dan nur betrug ist) nemen/ insunderheit rede ich vñ
rechten warhafften vngefelschten extraktionen/ vnd dem von
den corporibus abgeseidnen subtiliteten/ es seye extrahirt,
sublimirt, distilirt, oder sonst in öls/ Liquors/ oder Puluers
vnd

vnd andere weiß abgefunden/ vnnnd mit demselbigen entweder
also allein/ oder so die Notdurfft erfordert/ mit einer andern/
diesen zum beleiter oder führer zum selbigen glied/ morbo/ oder
Fehl/ vermischet ein Menschen (dessen Anliegen/ Schwachheit
vnd Gebrechen erweist/ den Ursprung des Orts vnnnd der
Natur Art vnnnd Eigenschafft der Kranckheit erkent) damit
bestreicht/ schmiert/ salbet/ vordindet/ vberleget/ eingibt/ oder
sonst der gelegenheit nach/ ihme dasselbige arcanum, medica-
mentum, pharmacum, Pflaster oder Salben applicirt/ vnd
ihne damit zur Gesuntheit bringet.

Oder ist dieses einer Zauberey gleicher/ wenn du weder
morbum noch dessen vrsachen/ species/ locum/ Art/ oder
Eigenschafften (weil dieser vnier zeit der Veterum Lehren/ von
substantz/ Farb/ vnd Gestalt der Vinarū zwar selten auß der
inspection/ ob gleich die aller fleissigste cognition dorüber ge-
halten wirdt/ sonderlich aber in den neuwen/ vnd von den alten
nicht beschribnen Kranckheiten) zutreffen/ vnnnd du derhalben
weder der patienten qualitet, complex noch constitution er-
kennest/ oder zu iudiciren weißt/ vnd gleichwol ein Recept dar-
in 150. oder 160. ja oft 200. species (wañ man alle ingredi-
encen rechnet) ihm eingibest/ vberlegest/ oder sonst applicirtest/
vnd doch deren Specien/ Natur vnnnd Art/ eben so wenig/ als
des Morbi subiectum oder Eigenschafften/ oder des Patien-
ten Vires/ Temperament/ noch Affecten nicht verstehest/
nicht erkennest/ oder nichts dauon weißt/ vñ also die Leut curirtest
(hette schier gesagt perturbirtest) welcher Exempel/ wann ichs
nicht anderer ehrlicher vnd auffrichtiger frustier Medicorum
(die fürwahr Menschlichem Geschlecht zu gut sich inn Gale-
nischer vnnnd Paracelsischer Medicin/ treffentlich fleissig bear-
beitet vnd viel guts durch Götliche gnade gewürcket/ derhal-
ben ihrer billichen zu schonen) daran nicht schonete/ Ich dir ein
ganz Volumen/ das grösser dann die Bibel were/ schreiben
wolte!

wolte/ da viel ehrlicher Leut/ vnnnd innerehalb 30. Jahren also/
das egliche Jahr vnd tag an Wenchem gestickt/ vnnnd erst dar-
nach die Medici selbst / was es für ein Kranckheit gewesen/
nachfrag gethon haben/ die Patienten aber/ die nun nicht wi-
der zubringen/dieses mit dem Tode haben bezahlen müssen.

Zu dem wirdt dieser/der da solche sachen distillirt/dise nicht
recht Extrahiren können / er wisse dann ihr Eygenschafft.
Derhalben er billich dir vnd deines gleichen Fantasten vorge-
zogen wirdt/ welche dem Menschen mancherley sachen einge-
ben/die ihr selber nicht kennet/ja viel weniger ihre Eigenschafft
vnd des eingebens/worumb/oder weshalb es Galenus, Hip-
pocrates, Plinius, vnd andere (die ich zwar nicht verachte) zu
ihrer zeit also nicht ohn groß bedencken/ vnd zwar aus wichti-
gen vrsachen geschrieben/ kein ration oder vrsach wissen/ wel-
ches ich aus augenscheinlicher erfahrung gesehen hab/ vnnnd
weiß es warhafftiglich/vnd Rede nicht wie du aus hören sagen
wenst vnd nicht weißt/ das ich nicht andern Gelehrten Medicis
deren ehren/ fleiß vnd kunst haiben billich verschont/ zuwider/
sondern allein dir vnnnd deines gleichen Schandmeulern zur
gegen Antwort schreibe.

Vnd dieses sey also dir zur Antwort/ vnd ist nur bloß der
Troswein (so fern du nun deine Lüge bekennest/ wiederruffest/
vnnnd deines Ehrendiebstals abstehest/ magstu also mit denen
in dieser sachen beystendern Simejischen Schandmeulern/
Ehrendieb vnd Lügner bleiben/in euweren eignen Spiegel se-
hen/vnd mich (der ich ob Gott will/ weil Gott die Vnschulde
vnd Warheit erhalt) der ich bin/ bleiben lassen/ wo nicht/ will
ich den Zapffen gar aus dem Fass ziehen/ vnd die Heffen/ oder
Drüsen/ mit sampt dem Essig hernach lauffen lassen/ das man
sehen soll, wormit ein jeder umbgeheth.

Vnd

Vnd ich frage dich aber noch eins/ vnd sage also: Wann
nun alle die/ so mit Ceremonien/ oder Handgriffen curiren/
Also die/ so Hoffnung vnd Vertrauen auff die von Gott ge-
schaffene Arzney setzen/ aberglaubisch seind/ so müste Christus
(wann ich hochgelarter Doctores/die durch ihre zubereitung
viel curiren geschweigen wolt) auch ein Zauberer gewesen sein/
do er fragt/ Wen suchet ihr/ vnd sie alle zurück fieden/ oder do
er den Feigenbaum verflucht hat. Item/ do er Teig mit Spei-
chel auff die Erden gemacht/ Vnd do er Epheton zu dem
Stummen sagt.

Item/ so muß nach deiner meinung diß eine grosse Zau-
berer gewesen sein/ daß/ wenn ein Engel den Teich bewege/
allein der erste/der dorein kam/ gesund worden/ die andern aber
alle franck blieben.

So wirdt der Medische Landvogt in Asia/ von dem Eu-
sebius meldet/ ein Aberglaubischer Kund/ vnd das blutflüssige
Weiblein auch ein Vnhuldin gewesen sein/ Do der erste von
der ansehung der conterfeyung Christi/ Die letzte aber/ vom an-
rühren des saums am Rock Christi (wie der gemeine mañ sagt/
aber in warheit) durch die gnad Gottes gesund worden seind.

Oder weßhalben hat sich der Syrier Hauptman Naema
im Jordan 7. mal gewaschen 2. Reg. 5. oder der Aussesige sich
reinigen lassen müssen/ Sagstu daß/ das solchs vom Glauben
an Christum/ vnd weil es Christus selbst gewesen/ herkomme/
Ist recht geredt/ mag denn nit noch Heut zu tage/ durch festen
Glauben an Christum jemandt Gesund werden/ oder meinst
du das derselbige Christus todt sey/ oder das es nicht eben der
selbige Christus sey/ vnd in denselbigen Christum mög geglau-
bet vnd gesundheit erlangt werden.

Vnd damit ichs beschliesse/ so müssen alle Apotekerische
Zeltlein/ Pillulen/ Latwergen/ vnd alles anders/ eittel Zau-
berer sein/ denn es gebüret ihe dem Kranken/ das er der gesunde-
heit von

heit von den arcanis medicamentis, potionibus, pulueribus,
vnd was es dann ist hoffe/ dann wo das nicht were/ würde ers
ohn zweiffel nicht brauchen.

Er soll aber die Gesundheit/weil der Medicus/ nichts an-
ders/ daß ein Diener der Natur/ das medicament aber/ allein
ein instrument vnd werckzeug (durch welche beyde Göttliche
Allmacht heilet vnd gesundt machet) ist/ also hoffen/ das Gott
jme durch dises/ als durch ein Mittel/ vñ durch sein ewige All-
macht vnd prouidentz solche würckung an jme zuuolbringē/
darzu erschaffen/ vnd nicht glauben/ daß das Dranck/ Kraut/
pharmacum/ aus seiner eigenen Krafft/ Sondern/ das Gott
der Allmechtige jhme die Gesundheit vorleibe. Auch nicht die
arcana/ sondern Gott seinen Herren vnd Schöpffer preysen/
ist es nu nicht eins/ es habe ein Alchimist oder Apoteker das
arcanū bereitet/weil man vnter etliche Apotekern wol so gros-
se Leutbetrieger findet/ als vnter den Alchimisten/ gilt es nicht
gleich/ es habe Paracelsus das Recept gestalt/ oder Nicolaus/
weil sie beyde Menschen/ vñnd Paracelsus (wie du sagst) ein
Weinseuffer/ diser aber (wie andere lehren) ein grosser Hurer/
vñnd so doch deren beyden ersten du dich nicht enthalten hast/
vnd der ein im letzten noch vil Gesellen vnd Zuriffbrüder hat/
gilt es nicht gleich/ Aristoteles habe die Anathomi geschrie-
ben/ oder der von Sichten habe sie vollbracht/ weil der letzte die
Weiber geliebet/ den ersten aber die Weiber als einen Maul-
esel geritten hat en/ Ist es nicht eins/ ob du Wasser/ Luft/ Erd/
Thurneyffer aber Sulphur, Sal, Mercurius, die prima mate-
ria, vnd principia rerum nennt/ wann allein aller dingen an-
feng doraus verstanden werden/ Ist es nicht eins/ du curirst
mit deiner Massa/suppen/ Holdermüß/ Schlehensafft/ Pflas-
tern vnd andern sachen/ oder einander curire mit der dingen
Essentia, Tincturen, Magisterien, Olien, Salien, vñnd was
der dingen mehr ist/ wann allein dem Patienten geholffen/ dem
Schöpffer

Schöpffer die Ehr/dem Geschöpff aber (als einem Mittel vñ
Gott geschaffen) die operation aus dem willen Gottes ha-
bend/vnd das es aus Göttlichem segen/gedeyen/vnnd Krafft
die Würckung vollbrachte zu geben wirdt. Dann zwar so ist
vnter allem curiren der rechten auffrichtigen Paracelsischen
vnnd Galenischen / gar kein vnterscheidt / dann nur allein der
Neidt/der Verbunst vnd Mißgunst/ die Namen vnd potion/
weil sie einerley species/einerley Res præciosis/einerley mine-
rische vnd metallische/ steinische gewechs/einerley stirpis vnnd
was der dingen mehr ist/ brauchen/ Welcher anfang aller inn-
gutem erdacht/ ob aber dieses zu bösem verkehrt/ ist mehr dem
mißbrauch/ dan der Arzney kunst/ zuzumessen/ mißbrauchestu
doch mit deiner gleichnerischen camarinischen Andacht/vñ mit
Liegen dein Zung/die dir Gott zum preiß vñ nutz deines Nech-
sten gegeben hat/also wirdt ein ehrlicher Christlicher Medicus
die zauberischen vnd teuffelischen (ob die gleich von den aller
fürtrefflichsten gemeldt wirdt/ herzukommen) medicamenta
sich enthalten/vnd die so Christlichem Glauben gemess/ vnnd
dem Menschen nützlich seind/brauchen.

So viel nun die Magos betrifft / auff das menniglichen
deine vngegründten Schandtlügen spüren/vnnd mit henden
greiffen möge/ So nennen die Persier noch heut zu tage ihre
Königliche vnd fürstliche Person $\Sigma\phi\phi$ das ist gleich wie Maos
Groß bedeutet/ also bedeut Magos verstendig oder weiß/ wer-
den ohn zweiffel (weil meniglich bekandt/ das kein Volck vn-
ter der Sonnen ist/das ihre Herrschafft mehr liebet/inn ehren
vnd höher helt/ ja deren den größten Gehorsam leistet/ Dan die
Persier) ihren König nicht einen solchen schändtlichen Nam-
men/ (wie du leugst) das $\Sigma\phi\phi$ oder Magos sein solt/ geben
oder zusheilen. Vnd damit du der Welt ein Brillen auffschest/
bringstu lestlich den Blocksberg/ dorauff die Magi (wie du sie
nennst) Vnhulden/Zauberer/Teuffelbeschwerer/vnnd Eh-
I ij rendied/

rendieb/vnnd Lügner zusammen kommen/hettestu auch den Ka-
lenbergk/ inn Oesterreich/ den Heuwegk vnnd Brattelen-
Matten wol darzu sehen mögen/ weil mir nicht zweiffelt / dise
alle dir bekannt/ mir aber gar frembde sein.

Weil du nun die Magos oder Weisen also mit einführest/
vnd in den Plocksbergk zur Herberg/den Hencker zum Wirtd/
vnnd Galgen/ Rade vnnd Rabenstein/ Leitern/ Schwerdt/
Feuwer vnd Rutenstreich zur Speiß gibst/ Will ich dir meine
Magos vnnd ihre werck/Also deine Magos/vnnd ihre Thaten
durch dreyerley Leyen/ vnnd dreyerley Gelahrte fürlegen/ do-
rinn du vnd ein jeder fürzlich seine affecten sehen/ vnd was er
für ein Christ/ für ein Magus/ vnd für ein Doctor ist/ finden
wirdt.

Erstlich/ so seind dreyerley Magi vnder den gemeinen
Christen. Die Ersten / das seind zwar fromme/ Gottselige/
vnnd ohne zweiffel Christo angenehme Christen/dise leben inn
wahrer einfalt/ Gottes forcht/ vnnd glauben dem wahren vn-
worfelschten/ seligmachendem vnd ewigen Wort Gottes/wel-
ches in heiliger Göttlicher Schrift gegründet/ vnd gesundt
ist/ Sie verachten allen Aberglauben/vnnd halten auff denen/
so superstitiosisch seind/oder glauben ihnen gar nichts/ Sie er-
kennen alle natürliche sachen für gute/brauchen die inn einfalt/
mit danckbarkeit / ihre Krafft halten sie für gaaben Gottes/
welche Menschlichem geschlecht zu jrdischem/oder zeitliche nutz
von Gott zu gutt erschaffen seind / sie ehren Göttliche gebott/
halten die Obrigkeit für augen/vnd gratuliren dem Alter/Sie
lieben vnnd ehren ihren Nächsten/ der gutte Künst/ aus natür-
lichem grund erfahren/ gelehrt hat/ vnnd die kan/ Dargegen
dadlen sie die/so Aberglaubisch/vnd hassen die ding/ so aussert-
halb der Natur vermögen fürgehen/straffen die/so die Creatu-
ren verbottener weiß brauchen/oder ihnen mehr/dañ Gott inen
mitgetheilet zumessen/ mit sanfftimut/ Sie tödten ihz fleisch/
meistern

meistern ire Zunge/ regieren ire Gedancken/ seind beherrscher
ihrer Vernunfft/ vnd den begirden legen sie ein Zaum an/ vnd
erkennen nicht allein sich selber für Sünder/ sunder betrachten
die Blödigkeit ihres Nechsten/ ziehen vorhin den Balcken aus
dem Auge/ vnnnd weisen aus christlichem Eysen ihrem Bruder
den Spreysen in dem seinen/ mit aller Zucht vnd ohne Zorn/
in Demut vnd Friedsamkeit/ so man sie auch strafft/ leiden sie
solches mit gedult/ vnd sagen dem straffer (ob er gleich böser ist
dann sie/ fleissigen danck) aber doch/ so retten sie ihr Ehre/ Bey
ihnen ist Tugend/ Erbarkeit/ maß in essen vnd trincken/ Sie
begehren niemandes Gutt/ noch freuwen sie sich auch nicht
ihres Nechsten vnglücks/ sondern sie haben mit jnen ein Mit-
leiden/ vnd trösten sie mit Gütigkeit.

Bej ihnen ist wahrer Glaub / gewisse Zuversicht / vnnnd
rechte vnuerfalschte Lieb/ gegen Gott vnd dem Nechsten/ An
ihren Sitten/ Handel vnd Wandel spüret man Weisheit/ Für-
sichtigkeit/ Gerechtigkeit/ Kunst/ Ehr vnd Tugend/ bey ihnen
wirdt weder Gelt/ noch Ehr Geiz/ Neid/ Mässiggang/ Hof-
fart/ Verachtung/ Spielen/ Schweren/ Vollsauffen/ Un-
treuw/ Verrähteren/ Lügen/ Ehrabschneidung/ Schmehung/
Verachtung/ Betrug/ Vermessenheit/ Zorn/ Groll/ Hass/
Verbunst noch Vnkuschheit gefundē/ Sie haben ein fröliche
vnd in Gott wolgerünzte Conscientz/ bey jnen als bey denen/
die inn Gott/ vnnnd Gott in ihnen verleibt/ ist kein Trauwren/
Schwermut/ Verzweiffelung/ Kleinmütigkeit/ böser Will/
Werck/ noch Gedancken/ haben auch kein Forcht des Todes
in sich/ vnd wirdt kein Erschrecken/ Tragheit/ Argwohn/ noch
Misstrawen/ Widerwill/ noch Aberglaubē (weil sie allein in
Gott jr hoffnung vñ vertrauwen gantzlich haben gestelt) gefun-
den/ derhalb leben sie frölich/ vñ so sie durch natürlichen Lauff/
oder Syderische Mitwürckung mit Kranckheit/ Schwachheit/
Blödigkeit/ angegriffen/ glaubē sie nicht/ das aussershalb Got-
tes willen

es willen/ihnen solches widerfahre/ noch ohne Göttliche verhengnus wieder besser mit ihnen werde/ Sie brauchen auch von Gott geschaffene vnd natürliche Mittel (mit das sie dem selbigen einicherley Krafft/sondern alles dem Creatori/ der die Mittel geschaffen zugeben/ zuuerbesserung solcher Kranckheiten/ so es nun besser mit ihnen worden/dancken sie Gott für seine Gaben/ die er dem Menschen zu gut erschaffen/ preysen auch den heiligen Geist/ vmb die erleuchtung der Personen/ durch die der Allmechtige solcher dingen Krafft/ als durch Instrument vnd Werkzeug/ vnd den modum der applicirung an tag geben/ vnnnd geoffenbaret hat/ bessern sich hernach/ weil sie gewißlich glauben/ das sie Gott mit solcher Kranckheit ermahnet vnd frumb zu werden heimgesucht habe.

So ihn aber durch kein Mittel geholffen werden mag/spürt man an ihn kein Vngedult/ Wurmeling/ Ergernus/ Entrüstung/ Verdrossenheit/ noch Vnwirsche/ Sondern sie geben sich zu frieden/als ob sie durch solche Kranckheit/als durch einen getreuwen Führer/ auff den wegl der seligkeit geleitet/ vnd auß aller irdischer Noht vnd Trübsal/Kummer/Leide vnd Anfechtung/ zu der ewigen/ jimmerwehrenden Freud vnd Frolockung/ auß allem Hunger/Durst/ Elendt/Mangel/Kranckheit vnnnd Todt/ zu der vnabgenglichen Seligkeit/ von allem Elendt/ zu der jimmerwehrenden Ruhe vnd Herberg/ vnnnd zu abwendung aller bloßheit mit Hiimlischer vberflüssigkeit aller Zierden/ mit warhafftigen vnnnd allezeit gesundbehaltenden Arzneyen/ vnnnd auff freyen fuß gestelter liberation vnnnd gewisser Freyheit/ begabter endledigung/ vnnnd lesslich von dem Todt vnd seinem Stachel/ zu dem Ewigen vñ allezeit wehren den Leben gebracht/ vnd begleitet werden.

Nun dieses seind kürzlich meine fromme Magi/ die dir gar nicht gefreundet noch verwandt/ vnnnd so fern von dir ab gelegen seind/also das du ihrer Sprach nicht verstendig bist.

Zum

Zum andern seind deine sehr wol bekandten vnnnd nahende
gefrendten Bauchchristen/ welche mit ihrem Mammon/
Bacho vnnnd pultone/ grosse Schätze der Welt/ Gott geb
wo sie es her/ oder ob sie es mit ehren/ guttem Tittel/ oder mit
recht haben/ sammeln/ ziehen im Landt hin vnd her/ geben dem
Leuten grosse heyligkeit/ frumigkeit vnd Eysen im glauben für
ist doch alles nichts dann nur betrug/bringen vnter dem schein/
grosser Andacht/vnd tieffsinniger Contemplation/für christo-
lichs Heil/ viel alter fermenten vnd Practicken der verfüh-
rischen Reherenē herfür sehen/ daneben fleissig auff ihren Nus
wann sie den Sack zimlich gefült/ schwenken sie sich vber den
Breithart/ lassen die Hausen den vnkosten wieder bezahlen/vñ
leben sie im sauff/vnd lassen jren Tittel wol anfechten/vnd wole-
len von niemāds reformirt/oder gemeistere sein/vrsach/sie ha-
ben vorgemelter tugendē grossen mangel/ aber an alhier nechst
erzelten Vntugenden ein solchen vberflus/ das man vorzeiten
ein ganz Regiment Landtsknecht/Vntugent gnug het liefern
mögen/ welche diese deine Bauch Christen oder Magos einer
allein an sich hat/ diese seindt deine nechste Nachtbaurn/ vnd
dir wolbekandte/ du werest auch sehr gern in ihrem Orden/ al-
lein du bist so geschickt vnnnd verstendig nicht/ Zu dem glaubt
man dir nicht so viel/ das du darzu kommen mögest.

Die Dritten/ das sind Maulmagos oder Christen/ dise
haben der ersterzelten Tugendt gar keine/ aber der nechstge-
melten sehr viel an sich/ vnd vber dasselbig noch 3. die aller ver-
fluchtesten/ Erstlich/ das sie mit Liegē vnter dem schein neisch-
was sonderlicher Heiligkeit/ Christlicher Anfechtung vñ Für-
sorg/ auß falschen Herzen/ fromme Gottselige Leut/ gegen den
Menschen verkleinern/ sie als vnheilig/ vngerechte vnnnd niche-
glaubig/ vnd derhalben straffwirdig angeben/vnd sie zu newen
vor vnerhörten Articlen des Glaubens die zu lernen/ zwingē.
Zum

Zum Andern/ daß sie aller Unfruchtbarkeiten/ Ehewrrang /
Ungewitter/ Bosheit der Welt/ vnd andere jetzt färgchend e/
vnd vom Teuffel/ vnnd bösen/ ihme selbst gleichen Menschen
verursachete/ vneinigkeitten/ zwispalte/ Sünde vnnd Vbels/
den frommen vnnd vnschuldigen Menschen (denen sie neidig/
heßig/ vnd ihres glücks vnd wolstandes inen vergünstig seind)
zumessen/ die (ob sie gleich in aller vnschuldte/ auffrichtig vnd
erbar leben) fellschlich/ das ihre Gotteslesterung/ Argetück vnd
falsche opition im Sacrament/ im tauff. im predig hören/ inn
singen/ in Saffa alle Ceremonien/ Gebreuch vnd Sakungē
ihres Glaubens ihnen zumessen/ damit die vmb ihr zeitlich
glück/ vnd wolhart/ ehr/ haab vnd gutt bringen.

Zum Dritten/ haben sie die Eigenschaft/ daß sie noch
nicht begnügig/ das sie die Menschē vom rechten waren Glau
ben/ abgeschreckt/ hernach vmb ehr/ haab vnnd gutt gebracht/
sondern/ sie erdencken neuwe Lügen/ verunglimpffen die Men
schen/ nicht allein bey ihrer Obrigkeit/ sondern heßen die Licch
ter der Welt/ Als Könige/ Fürsten/ Herren wider einander/
Also die Vnterthanen wider ihren Erbherren/ vnnd ihn von
Gott gefesete Oberkeitte/ also die Oberkeiten wider ihre Vn
terthanen an/ ziehen das Weltlich Schwerdt/ aus der Geistli
chen Scheiden/ schmeissen mit ihrem liegen/ vnd falscher Opi
nion dappffer darein/ fellschen die Loca der Schriffe/ vnnd zie
hens alles auff ihre mörderische/ blutigirige Anschlag/ verur
sachen also mit des Teuffels ihres Lügenvatters hilff. alles vne
glück vnnd Grollen/ Widerwillen/ heimlichen Neide/ Zanck/
Hader/ vñ Bluturgießen/ vnd sigen sie daß vnd laßen durch
die Finger/ aus welchem dann gefolget/ das innerthalb 30. Ja
ren/ Nemlich von 1550. bis auff das jetzige 1580. bis inn die
Neun mal hundert Tausent Menschē/ vnter den allein Deut
sche/ Französische/ Spanische vnnd Italiänische/ vom Adel/
hundert Tausent/ vñ 46. Tausent/ 5. hundert vnd 18. wie das
Register

Register warbekanter Person/ vnter welchen 39. Fürsten 148.
Graffen/235. Freyherrnstandts/ deren eiliche ermordt/ ertren-
cket/ verbrent vnnnd in Stürmen vnnnd Schlachten erschlagen
sind/ vnd ist (Gott sey es geklagt) noch kein ende zuuerhof-
fen/ sondern stehet wol drauff/ das/ wo Gott der Allmechtige sol-
che Maulchristen/ Blutiglen vnnnd Anfridsanstifter/ nicht
steuert/ das die rechten Blutbader/ erst an orten vnnnd enden/ do
man sichs am wenigsten vertrauwt/ angehen werden/ vnnnd sol-
cher Gesellen Blutsuerwanter/ naher Freunde bistu zwar/ der
du/ wie alle des Teuffels gesandten/ mit gleichnerischen worten/
vnnnd einer angemasseten Geistligkeit/ Erslich die Prediger/
wie sie fromme ehrliche Leut/ die mehr wissen vnd frümmer sind
dann du selber/ auff deine Diebslügen mit Schandworten sol-
len angreifen/ Zum Andern/ stiftestu die Fürsten an/ das sie
den jenigen/ so gutte vnnnd natürliche Kunst/ wissen vertreiben/
nicht handhaben sollen. Zum Dritten/ greiffest du die Kunst
selbert an/ nennest sie Zauberey/ Teuffelskunst/ falsche Arbeide
vnd dergleichen/ Solchen Fundt hat der Teuffel/ dein Lügen-
vatter/ von anfang der Welt im brauch gehabt/ Erslich die
Geistligkeit/ darnach die Weltlichen Regenten/ lezlich gute
Künst anzugreifen/ dem hengestu fleissig nach/ aber es wirt dir
dein Ehrendiebisches fürnehmen nicht angehen. Dann ein
frommer gelehrter Fürst oder Prediger / wirt die werck der
Natur vnd die Anschleg oder opera des Teuffels/ bald können
vnterscheiden/ vnnnd so er an seinen Vnterthanen/ oder nebende
Christen etwas/ das ihme nicht gefelt/ oder nicht Christlich be-
dumcket/ findet/ wirt er die Christlich vnnnd freundlich darumb
befragen/ vnd so einer irret/ in mit Sanfftmüt aus Götlichem
Wort vnterweisen/ ihme den Weg der Seeligkeit zeigern.
Was aber lose Fischer/ faule Vaganten/ vnnnd Ehrendieb/ oder
Lügner seindt/ wie du bist/ die laß man jimmer predigen/ es
wirdt ihre maß auch voll werden/ sie werdens mit der zeit/ weil

mans am außbuzen alles findet/ wol innen wirdt/ ob sie ihrem
Beruff genug gethon / oder ob sie dem Wort Gottes gemess/
oder zuwider gepredigt haben.

Der Fürsten haben/ hats auch Gott hab lob keine noht/
Ein frumier/ auffrichtiger Fürst/gibt Schutz/ vnd beschirmt
ein jeden/ doch weiter nicht/ dann zu seinem Rechten/ weil mit
warheit niemands kompt / der den Beschirmpten vnrechts
vberzeugen/ oder vberweisen kan/ schirmt er ihn aus den Ge-
botten Gottes vnd seines Ampts inhalt billich/ So will auch
keinem Fürsten gebühren/ daß er auff eines jeden losen Lügen-
predigers rede vnd schreiben/also bald die Menschen cōdemni-
ren soll dann darumb gibt vnd setzt vns Gott solche Personen
zu Fürsten/die nicht so Lügenschafft/so vnbesinnet/ oder so nei-
disch/ wie Nero, Domitianus, Dionysius gewesen seind/ vnd
wie du vnd deines gleichen lose Hundstropffen seind/ sonder
er gibt Langmütige/dieffdenckende/ fromme/der warheit nach-
gründende vnd weise/milde vnd hochverstendige Fürsten/nicht
daß sie derhalben das vbel nicht straffen/ oder so hinlessig inn
frem Ampt sein/sondern/ so sie den rechten wahren grundt der
Vbelthat/ des Betrugs vnd anderer Falschheit erfahren/ so
straffen sie nur redtlich/ vnd treffen nicht allein die Impos-
tores/ Zauberer/ Aberglaubische/ Bisselöch/ Vnhulden/
Teuffelbeschwerer/Familiaren/Schlangenbanner/ Ofianer/
sonder greiffen auch den Ehrendieben/ Ehrverletzern/ Lügen-
mentlern/ Falschezeugnußredern vnd anderen/ was dergleichen
Hudelmans gesinds mehr ist/tapffer zur Hauben/ dann es ist
hoch vonnöten/ doch gib ich ihnen/ als meiner Obrigkeit kein
Ordnung/ allein bitt ich/ dem Grundt vnd der Warheit fleiß-
sig nach zuzorschen.

Vnd dise ersten seind deine schlechten Jdiotischen Magi/ob
du nun deren etliche auff dē Plockbergk/ Heurbergk vñ Ra-
lenberg gesehen/mit inen in Kundtschafft kommen/oder ihnen
sonst verwandt bist/gib ich dir zu bedenckē/will dir nun vō meis-
nen/

nen/vnd hernach von deinen/ als den dritten Magis auch sagt.
Erstlich seindt fromme/erfahrne/ gelahrte vnnnd natürlicher
dingen würckungen/ auch allerley Sprachen/ wolgcübte ge-
lahrte Doctores/ welche die ding/ so vber ihren Verstandt/
nicht bald/ sondern nach grosser vorbetrachtung aller circum-
stantien, iudiciren/ so sie die vnnatürlich finden/ reden sie
mit vernunfft/ ohne schmeisrede/ schenden vnnnd schmechen dar-
von nichts/widerlegens mit warhafftigen/ aus heyliger/ histo-
rischer vnd prophetischer Schrifft gründen/weisen dem/ der ab-
dem weg gangen/die Straß/vnd leyten in fein sanfft/ ohne ge-
thümel (wie Cicero die Catelinische vnruhe) von seine Aber-
glauben/Wohn vnd vnchristlichen handlungen/ oder vbun-
gen/ vnnnd legten ihn auff natürliche/ Gott gefellige/ aber der
Menschen nützliche Experientia/ was sie aber nicht verstañt/
begeren sie sich vorhin zu vnterrichten/ Sie halten ein Mittel
zwischen den natürlichen/vnd vnnatürlichen doch das es Got-
tes Wort gemäß/ seiner Allmacht/ Ehr vnnnd Nammen nicht
vorleslich/nicht wider die Brüderliche Lieb/ auch Christlicher
Zucht nicht zuwider sey/ vnd dieses nennen sie Magisch/ weil
sie auch magischer Natur seind/ folgen sie der Natur nach/ mit
fleissiger handtarbeit/ studiren im sinn/ vnnnd obseruiren mit
Gesicht/ Gehör/ Geschmack/ Geruch vnd deren Tactu/dar-
aus sich offti begibt/das sie finden vnd erfahren/welches sie in
der Natur tugend zu sein/ nicht geglaubt/ oder das es zuwegen
zu bringen vnmöglich zu sein/ geschworen hetten/ Sie lassen
den Elementen ihre Eigenschafft/ verenderen sie nicht/ nehm-
der Influentz ire krafft nicht/durch die verknüpfung/oder ver-
mählung/vnd vermischung derselbigē/sie bedenccken alle prin-
cipia/ vnd ergründen die mixta/ oder vereinten sachen/ gebur-
ten/oder inprelsionen mit fleiß/ vnd seind wider ihr vermögen
nicht/ stricken den Gewächsen/ Thieren/ Fischen/ Vögeln/
Gewürmen/ vnnnd anderen Creaturen ihre Tugendt nicht/
G ij Aber

Aber wie sie den minern/Erdscheyten/Kreutern/Blumen/Wur-
sen/Hölzern/Früchten/Metallen/Gesteinen vnd andern din-
gen/ihre würckungen/ so vil sich dann im grundt der Warheit/
befinden/nicht verneinen.

Sie halten/die/so durch grosse müh vnnnd arbeit/ mit son-
dern begnadungen von Gott vieler natürlicher sachen/ erste er-
finder gewesen/ für preceptores vnnnd Lehrmeister/ Als Ari-
stotelem, Platonem, Theophrastum, Dioscoridem, Galenū,
vnd alle andere/ so etwas/ das ihnen vorhin nicht bekandt/ durch
Göttliche gnad erfunden vnd beschrieben haben.

Ja wo dieselben der Warheit gemess geschrieben/ wo sie aber
(wie dann Menschlich ist) geizret/ oder sonst ihre Regulas zu
vnser zeit (wegen der alteration aller dingen) nicht nützlich/
lassen sie dieselbigem loca vnterwegen/werffen derhalb von drey/
sechs oder neun Irthumen wegen/ nicht alles gar hinweg/ vnd
schelten nicht auff sie/ sondern saugen (wie die Bin dz Honig)
aus ihren schriffien/vnd lassen das gift darinnen ersterben.

Sie geben Göttlicher Prouidentz vnd Fürsēhung (weil
das die einige Substantz alles gutten) viel zu/ vnnnd halten wie
dann billich ist/ mehr darauff/ dann auff der Alten Regulen/
halten mit Macrobio Gott für ein vrsach/ oder primam caus-
sam aller dinge. Sie haben die Wunder Göttlicher verhengk-
nuß ihrem Bedecktnus/ vnnnd schreiben hierauf durch hohe
ihrer Vernunfft mancherley vergangene/ gegenwertige/ vnnnd
weil sie die vorhin auff besondere zeit/vnd auß gewissen vrsachen
beschēene ding betrachten/ weissagen sie schier nach Mensch-
lichem Verstandt zu reden (nicht das es eben gleich also ge-
schēhen müsse) sūnderliche Hendel/ die sich zutragen werden/
Sie geben fleissig achtung auff die Freyen Künst/ lehren/üben
vnnnd treiben die/Sie vnterscheiden die erschaffenden vnnnd ver-
hinderenden vrsachen/ wie sie dann auch die nütlichen von den
schēdlichen/ auch die himlischen/ von den jrdischen dingen ab-
sūndern.

sändern. Vnd dieses seind rechte Doctores vnd haben Menschen köpff vnd heupter/ dieses seind die gelehrten Magi/ die ich für Sophos halte.

Nun die andern Doctores/ das seindt auch gelehrte/ hochverständige Leut/ Allein sie haben viel auff sich selbs/ disputiren von hohen vnd ober ihre Vernunfftreichende sachen/ schliessen doch nur ein schweiß (Ich het schier anders gesagt) ob sie gleich wissen/ das sie vnrecht haben/ lassen sie sich doch (damit man sehe/ das kein Weißheit bey ihnen Herberge habe) nicht von ihrer meinung abtreiben/ bleiben auff ihrem kopff/ vnnnd solte die Welt darumb vntergehen/ blasphemiren vnnnd verspotten/ oder verachten jederman/ können doch selber außserhalb der Sprachen Art vnd Tragens/ Schnarchens vnd Boehens (das ihnen ihr freueler Geist eingibe) wenig rationes der dingen geben/ vnd so ein anderer was fürbringet/ ob es gleich billich vnd bewert ist/ werffen sie es doch weit/ vnd verachtens/ wollen groß mann sein/ ist nichts darhinder/ bleiben also auff ihrem sinn/ wie Marius auff seiner Pfeiffen/ so sie etwas schreiben/ oder reden/ meinen sie es solt es jederman loben vnnnd für heiligtthumb/ wie der Helchefaiten Buch Elxai halten/ vnd wie den Staub von Schuhen/ derselbigen Kezer (welche Anno 250. geblüet) hoch achten/ Sie bringen auch mancherley neuerer Schwermerey/ auch außserhalb ihrer profelsion herfür/ wollen ihnen selbs einen grossen Namen/ vnnnd etwas in die Küchen verschaffen/ mißgünnen andern ihr Glück/ Kunst vnnnd Verstand/ vnangesehen/ das sie derselben Gaben vntheilhaft/ sie hören gern neuwe mähr/ vnd legen sich in alle Hendl/ dadlen jedermans betrieb/ ist doch nicht viel besonders an ihnen/ fahen viel an/ machen wenig aus/ sitzen lieber bey der Zech/ dann das sie iren sachen deren sie sich hoch rühmen/ zum auftrag hülffen/ dieses seindt auch Doctores/ haben zwar Menschenköpff/ allein das dieselben mit einer Narrenkap/ so lange Ohren hat

G iij vber

überzogen/ vñnd also darmit verhuhet/ das die Doctorischen
glieder kaum daruor zuerkennen/ vñnd zu vnterscheiden seindt/
doch seind sie/ ob ihn gleich ihr Kolben gefelt/ noch frümmer/
weder du bist.

Die Dritten Doctores/wie du einer bist/ haben Affenköpff/
ursach/was alle Hochgelehrte Leut vorlengst geschriben/wöllen
sie denselbigen/ wie die Affen nach thun/ können ein wenig
Latein/ vñnd haben auch etliche gar hüpsche Verflein/ aus
alten Büchlein gesamlet/ halten viel auff Receptlein/ Vagi-
ren hin vñnd wider in den Büchern/ klaben allerley gerümpel
zusammen/wie der Affen brauch ist/ schlahens an/ vñnd wöllen
grosse Gefellen sein/ disputiren gleich wie die Dorffpaffen/
wann sie nicht gestudiret haben predigen/ vñnd so sie nicht mehr
wissen/ so fahen sie an zu schenden vñnd schmehen/ vñnd was sie
die ganze wochen beim Spiel/ Wein vñnd Bier getrieben/ zeihē
sie am Sontag ihre Bauwren/damit hat die Predigt ein ende/
Eben also conterfeytstu/ Gelehrter Leuē Arbeit/ vñnd machtest
nach/ wie du in diesen Propositionibus gethon/ dorinn nichts
dein/dann die Lügen/ Ehrendiebstal/ Schmehwort vñnd alles
was du daran geschriben/ oder proponirt hast/ hastu aus Io-
han: V Vierij/ oder aus Iohan: Fuglinij vñnd des von Herber-
stein Zauber oder Heren büchern/ vñnd aus Doctor lobst Vins-
celni Wunderbuch/genommen/ vñnd ist nichts darinn/ das dein
ist/ dann der Pracht/ Das gefelt etlichen Fantasten/die auch
nicht besser seindt/ dann du/ sehr wol/ sagen/ hey das ist ein ge-
lehrter Esel/ sollen sagen Gesell/ er hat den Theophrastum
vñnd Thurneysser recht getroffen/ hey du mein schöner Po-
lypheme/ es thut dem Theophrasto gewaltig wehe/ hettest du
seine Bücher recht gelesen/ du wurdest anders von ihm reden/
du hast einen gewaltigen kampf gewonnen/ das du wider einen
todten solche Gifte außgeusst/ hast zwar kleine ehr damit er-
worben. Was nun deinen Drucker den Miliandrum belangt/
der mag

der mag sich fürsehen/ er soll sein lohn an gebürlichen vhrten
vnnnd zu gelegener zeit/ also empfangen/ das er furthün keinen
ehrlichen Mann/ also mit Druckung solcher Diebslügischen/
Ehrenabschneidungen vnnnd falscher bezeichnung beschweren
solle/ will ihn hiemit fürs erst Jahr/ damit er aus meinem
still schweigen kein gewehr/oder versiß mache/
gewarnet haben.

CICERO.

Ehr befördert Kunst.

Syrach/ 26.

Die Lügen ist ein heßlicher schandtfleck/ an einem
Menschen/ vnnnd ist gemein bey vngezogenen Leuten.
Ein Dieb ist nicht so böse/ als ein Mensch der sich zu
lügen gewehnet/ Aber zu letzt kömen sie beyde an den
Galgen.